

Perjalanan — Melalui — Lembah

A detailed illustration of a blue jay perched on a mossy rock in the foreground. The bird has vibrant blue feathers with white and black patterns on its wings and back. In the background, a serene mountain valley unfolds, featuring a calm blue lake, lush green slopes, and majestic snow-capped mountain peaks under a bright blue sky with scattered white clouds. Evergreen trees and small wildflowers are visible in the foreground and along the valley floor.

David Ng
(Penterjemah: Evelyn Tan Hwee Yong)

Perjalanan Melalui Lembah

David Ng
(Penterjemah: Evelyn Tan Hwee Yong)

Diterbitkan: Upstream Publishing @Petaling Jaya, 2026

Diterjemahkan: Judul buku ini asalnya dalam Bahasa Inggeris, "*Journey Through the Valley*" oleh David Ng dan kemudian diterjemahkan ke Bahasa Melayu oleh Tan Hwee Yong yang berjudul, "*Perjalanan Melalui Lembah.*"

Edisi 2

Hakcipta terpelihara, Tidak dibenarkan mengeluarkan, mana-mana bahagian bab, isi kandungan buku ini dengan apa juga bentuk dan dengan cara apa pun. Sama ada secara elektronik, fotokopi, mekanik, rakaman atau lain-lain, sebelum mendapat izin bertulis dari penerbit @ Upstream Publishing.

Edisi Pertama: 1994 diterbitkan oleh Lembaga Pusaka SIB
Edisi Kedua: 2026 diterbitkan oleh Upstream Publishing
ISBN 981-00-3986-7

Ditaip semula oleh: Charles Sean Stephen

Penterjemah: Tan Hwee Yong

Pereka Buku: Leslie Kee Hup Thong

Kandungan

Kata Pengantar	6-8
Penghargaan	9
Latarbelakang Penulis	10
Prolog	11-12
Alasan Untuk Hidup	13
1. Penyakit Saya Dan Asal Mulanya	14-16
2. Apabila Hidup Ini Tak Tertahan Lagi	17-18
3. Kenapa Tuhan Tuan Maha Penyayang Mengizinkan Penderitaan?	19-22
4. Penderitaan Dan Ketidakpastian Hidup	23-24
5. Penderitaan Dan Dosa	25-26
6. Penderitaan Dan Tuhan Yang Maha Esa	27-28
7. Bagaimana Menghadapi Penyakit Tanpa Disembuh	29-34
8. Dilema Menghadapi Penderitaan	35-37
9. Ujian Muktamad	38-39
10. Harta Kekayaan	40-41
11. Tuhan Yang Lembah Lembut	42-47
12. Gelombang Yang Menghempas	48-49
13. Berjalan Sendiri Bersama Dengan Yesus	50-53
14. Fikiran Kita Yang Terbatas	54-55
15. Kekuatan Rohani Daripada Kelemahan	56-58
16. Terang-Nya Menyatakan Keindahan	59-60
17. Takut Akan Tuhan	61-66
18. Bergelut Dengan Tuhan	67-72
19. Kerohanian Yang Sejati	73-76
20. Roh Dalam Kita	77-79
21. Tuhan Anda Terlalu Kecil	80-84
22. Kerenah Tidak Baik Terhadap Yang Cacat	85-87
23. Perjalanan Yang Menakutkan	88-90
24. Keputusan Yang Beriman	91-94

“...Suatu hal yang menarik dalam buku ini ialah kejujuran dan kesungguhan ceritanya...penderitaan yang dialaminya akibat penyakit yang mencacatkan, tidak dapat menguji dia mencari harapan palsu atau jawapan segera...Saya mengesyor buku ini khususnya kepada orang yang sedang menderita, mereka yang terpaksa hidup dalam kecacatan atau merana dalam kesedihan. Buku ini suatu ilham kepada saya secara peribadi.”

***Pendeta Dr. Yap Kim Hao
Bekas Uskup Gereja Methodist
Gereja Di Singapura dan Malaysia***

Saya suka sekali membaca “Perjalanan Melalui Lembah.” “Apakah yang anda suka dalam buku saya?” David bertanya kepada saya dengan rendah hati dan secara berterusterang. Tetapi saya ingin katakan bahawa ada kebenaran yang begitu nyata dalam cerita mengenai penerbangan kapal terbang menembusi taufan dalam bab, “Apabila Tak Tahan Dengan Hidup Ini Lagi”. Dia bahagian lain dalam bukunya. Saya mengesyor mereka yang sedang mencari kenyataan di tengah-tengah penderitaan jasmani atau penderitaan lain untuk membacanya. Saya terharu dengan saudara dalam Kristus kita yang begitu berani.

***Pendeta Quek Swee Hwa
Zion Bible Presbyterian Church***

Buku yang tertulis dengan begitu jujur dan penuh dengan perasaan tentu menjadi inspirasi ramai orang seperti kepada diri kami.

Maureen dan Richard Fong

Buku yang memberi inspirasi besar. Ia telah menyentuh setiap orang yang membacanya. Ramai orang telah dihiburkan olehnya. Seorang kawan yang baru mengenal Kristus, menangis setelah membaca buku ini, menelefon saya dan berkata dia akan membaca buku ini lagi. Sekarang dia tidak perlu berbising mengenai penyakit jasmaninya kerana penderitaan pengarang jauh lebih besar jika berbanding dengan penderitaannya.

Puan Katherine Hu

Saya begitu terharu oleh buku ini sehingga saya segera merakamnya dalam kaset untuk anak saya yang sedang menderita “Rerintis Pigmentosa” masalah penglihatan sejak lahir iaitu penyakit yang akan membuat seseorang lama-kelamaan menjadi buta...Dia telah dihiburkan oleh buku ini lantas menelefon saya dengan jiwa yang senang setelah mendengar rakaman itu.

Puan Y.Y. Wong

Kata Pengantar



Awal-awal tahun ini, saya diundang oleh David dan Dorothy untuk makan malam di rumah mereka. Sewaktu menunggu waktu makan, David memberi saya beberapa sajak untuk dibaca. Saya begitu terharu dan tergerak olehnya, gayanya yang tidak berputar-belit, kejujurannya dan gaya mudah dicerna dikarang oleh dirinya. Wordsworth menjelaskan sajak sebagai, “emosi yang direnungi dalam ketenangan,” dan sajak ini tentu sesuai dengan penjelasannya. Saya merasakan buku ini perlu diterima oleh pembaca-pembaca lebih banyak lalu saya bertanya kepada David sama ada pernah terlintas dalam fikirannya untuk menerbitkannya. Saya berasa ini juga cadangan ramai temannya.

Saya begitu hairan apabila menerima sepucuk sampul surat besar daripada David yang mengandungi manuskrip buku ini. Saya membacanya secara menyeluruh pertama kali kerana begitu menarik dan ditulis dengan begitu terpesona. Saya dicabar membacanya lagi. Tetapi kali ini perlahan-lahan dan dengan lebih terperinci, kerana gagasan pemikiran perlu direnungi. David telah bergelut dengan

Tuhan apabila dia cuba memahami penyakit *motor neuron* yang telah merampas dia dari sebuah kerjaya yang begitu cemerlang malahan mencacatkan anggota tubuhnya.

David telah membaca seluruh Alkitab walaupun dia terpaksa menghadapi kesengsaraan dan kecacatan tubuh. Dia sudah mengkaji watak alkitabiah yang hebat seperti Ayub, Abram, Musa, Hezekia dan Saulus dari Tarsus dan khususnya Yesus Nazaret - sewaktu dia berusaha memahami kenapa Tuhan yang Maha Kasih membiarkan manusia menderita hingga ke puncak kesengsaraan dan bagaimana kita boleh mengatasinya dengan penuh kemenangan.

David menemui Tuhan melalui penderitaan itu dan berasa dirinya dibawa lebih dekat kepada kasih Tuhan. Di dalam buku ini, dia menyampaikan beberapa prinsip penting yang ditemuinya, melalui pengalaman kesakitannya dan pengajian yang diusahakannya.

Kami mempunyai kesempatan yang baik, David akan membimbing anda melalui salah satu masalah yang paling sulit dalam kehidupan-penderitaan namun dia berkata, “saya menemui Tuhan melaluinya.”

Walaupun David tidak datang daripada keluarga Kristian tetapi dia menjadi orang Kristian setelah dewasa, pemahamannya mengenai iman Kristian telah dimurnikan oleh api penderitaan, dan juga mematangkannya.

Kadangkala sahabat Kristiannya menjadi halangan lebih daripada menolong, namun sering kali mereka telah menghulurkan pertolongan yang berharga. Dia selalu dikuatkan dan didukung oleh kasih yang kuat dan iman isterinya, Dorothy, anak mendiang Archdeacon John Lee.

Setelah membaca manuskripnya, saya teringat ayat ayat Mazmur 40:

ayat 2 Aku menanti-nantikan Tuhan dengan sabar;
maka disendengkan diri-Nya kepada aku dan didengar-Nya seruanku.

ayat 3 Lalu diangkat-Nya aku dari lubang kebinasaan;
dari paya lumpur becak. Dia menempatkan kakiku di atas bukit batu,
dan meneguhkan langkahku.

ayat 4 Maka digemakan-Nya suatu nyanyian baharu dalam mulutku,
lagu pujian bagi Allah kita.
Lalu banyak orang akan melihat dan takut,
dan percaya kepada Tuhan.

ayat 18 Aku ini miskin papa,
tetapi Tuhan memperhatikan aku.
Engkaulah penolong dan penyelamat aku;
Janganlah berlengah-lengahlah, ya Allahku!

David telah memberi saya penghormatan untuk menulis kata pengantar. Saya menyertai dia dan mendoakan mereka yang sedang menderita sekarang atau mereka yang sedang mengalami krisis agar sewaktu mereka mengharungi pengalaman yang sama mereka akan menemui jawapan dan lebih dibawa dekat kepada kasih Tuhan. Dengan segenap hati saya menyerahkan buku ini untuk bacaan anda.

Rt. Rev Chiu Ban It
Ogos 1992

Penghargaan

Saya ingin mengucapkan ribuan terima kasih kepada yang berikut:

Uskup Chiu Ban It kerana sudi menulis kata pengantar ini. Semua sahabat baik yang telah mendukung saya dalam doa sehingga buku ini berhasil. Edyth Banks yang sudi membaca karya ini dan memberi saya nasihat yang berharga, juga penerbit saya yang sabar dan penuh dengan pengertian.

Keluarga saya atas dukungan mereka yang bernilai khususnya isteri saya yang rela membaca naskah ini. Juga penolong saya Gloria dan Rene Baay yang memberi keselesaan kepada kehidupan saya dan memampukan saya menulis buku ini.

Latarbelakang Penulis

David Ng dilahirkan pada Mac 1941 dan memperoleh Sarjana Penuh dalam bidang Kimia. Dia telah menjawat jawatan sebagai pengurusan kanan dalam bidang kimia semi sintesis penicilin (*semi-synthetic penicillins*) dan telah terlibat dalam pembangunan dan pengurusan kilang di Singapura, Manila, Bangkok dan Jakarta.

Sekalipun dia dilahirkan daripada keluarga yang bukan berlatarbelakangan Kristian, David selalu merasa akan panggilan Tuhan dalam kehidupannya, Ekoran baptisannya pada umur 24 tahun, dia mengalami berkat Tuhan yang berkelimpahan dan berlipat ganda. Dia begitu aktif di gereja dan bertugas sebagai “*People’s Warden*” di gereja St. Margaret di mana dia masih beribadah. Dia telah menikah dengan Dorothy dan mereka mempunyai tiga anak: Daren, 24; Debra 22; dan Deanna, 14.

Sewaktu berumur 46 tahun dan pada puncak kerjayanya, dia telah dijangkiti penyakit yang mencatitkan dia, dan melumpuhkan semua otot semula jadi dalam tubuhnya. Penyakit itu juga menyerang pita suaranya dan menyebabkan dia kehilangan daya bercakap.

Hari-hari gelap dan sepi berikutnya, dia hanya mencurahkan kekecewaannya kepada Tuhan. Dia mencari Tuhan dalam kecemasan penyakitnya, lalu menemui kebenaran baharu serta kekuatan baharu yang memampukan dia terus mengharungi hidupnya. Dia telah mengalami damai Tuhan dan penghiburan yang telah menolongnya mengatasi kecacatannya malahan dapat menjangkau orang lain. Buku ini mencatat segala yang dipelajarinya sewaktu mengalami penyakit ini selama enam tahun.

Prolog

Saya selalu mempunyai kehidupan yang sihat dan aktif, dan tidak pernah masuk ke rumah sakit sebelumnya. Tidak pernah saya bayangkan saya akan menjadi seperti ini, tidak berdaya menggerakkan anggota tangan saya atau menggunakan suara saya untuk meminta pertolongan. Saya paling benci mengganggu orang lain, apa daya, kini, saya perlu bergantung kepada mereka untuk keperluan saya yang paling dasar seperti mengusir nyamuk yang menggigit saya. Saya selalu berasa bangga kerana dapat mencapai sesuatu dengan usaha sendiri kerana kerjaya sendiri. Tetapi semua ini berubah apabila saya memerlukan seseorang untuk menyuapkan saya, memandikan saya dan memakaikan pakaian saya dan melakukan segala sesuatu untuk keberadaan saya. Itu suatu penyesuaian yang cukup sukar. Akhirnya, saya belajar merendahkan diri dan perasaan rendah hati saya semakin meningkat.

“Kenapa saya tertimpa penyakit ini,” tanya saya dengan perasaan marah. Selama beberapa jangka waktu saya marah akan Tuhan. Saya mulai mencari jawapan untuk soalan dasar seperti kenapakah harus ada penderitaan, kenapa Tuhan tidak menjawab doa saya dan maut. Sewaktu merenungi perkara ini berjam-jam dengan perasaan pedih, saya akan mengkaji Alkitab dan buku-buku lain untuk jawabannya. Kecepatan penyelidikan saya tergantung pada orang lain yang bersedia membuka halaman buku untuk saya. Setelah beberapa bulan bahkan bertahun-tahun menyelidikinya, saya mulai melihat segala sesuatu dengan tepat dan mekanik hidup dan mati. Dalam proses ini saya mengenal Tuhan dan kasih-Nya dengan lebih mendalam.

Namun, kekecewaan tetap ada, saya tidak dapat bercakap atau menulis. Kemampuan saya untuk bercakap atau

bertukaran pendapat dengan orang lain memang mustahil. Memang begitu banyak perkara yang saya ingin sampaikan mengenai apa yang sedang dilakukan oleh Tuhan dalam kehidupan saya sewaktu Dia membimbing saya melewati lembah bayang maut.

Kejayaan saya tiba pada Mac 1941, apabila adik saya, Sunny menciptakan satu alat yang memampukan saya menaip ke dalam komputer dengan menggunakan kepala saya. Itu membuka suatu dunia baru bagi saya. Sekarang saya dapat mencatat semua fikiran saya ke dalam komputer.

Buku ini mengandungi gagasan pemikiran saya mengenai penderitaan dan bagaimana saya menemui Tuhan melaluinya, berdasarkan pengalaman saya yang lalu. Ini bukan huraian teologi dan saya tidak berpura-pura mempunyai semua jawapannya. Buku ini mengambil masa setahun hasil daripada ilham dan pendapat yang muncul. Saya bebas mencurahkan isi hati apabila saya menemui suatu krisis yang sering terjadi. Jadi anda boleh bayangkannya. Hasil karangan ini biasanya akibat kesakitan dan kesengsaraan krisis. Saat seperti ini saya menulis daripada hati dan bukan kepala saya.

Untuk anda yang sedang menderita atau mengalami krisis, anda mungkin dapat menyelami perasaannya. Saya berharap anda akan menemui beberapa jawapan serta dibawa lebih dekat kepada kasih Tuhan yang akan menggalakkan anda dan mendukung anda ke dalam damai-Nya yang melampaui segala batas pengertian.

Alasan Untuk Hidup

*Setiap kali kutatap anggota tubuhku yang tiada bermaya,
Kegelapan menyelubungi kalbuku,
Jejariku menggerutu dan mencakar,
Tangan yang tiada berdaya ini ingin melakukan kehendak-Mu,*

*Kaki yang lemah ini tak berdaya melangkah,
Untuk memberita Injil Damai-Mu,
Suaraku tinggalkanku dengan kejam,
Puji-pujian berkat tak lagi bergema.
Apabila aku berdoa untuk penyembuhan,
Engkau diam mendingin,
Keinginanku untuk pulang rumah syurga,
Engkau juga menjauh dengan dingin,
Terlantar aku dengan kesengsaraan,
Dan kesepian kosong,
Apakah ertinya hidup ini?*

*Dari kegelapan ini suara kecil berbisik,
“Anakku, bukan kerjamu yang kuingini,
Atau berbatu-batu yang telah engkau jalani,
Bukan juga lagu pujian dalam nama-Ku.*

*Itu bahagian anak-Ku yang lain,
Yang Kuingini, hatimu yang murni dan benar,
Yang menurut dan taat pada firman-Ku,
Dari kelemahanmu,
Kekuatan akan berkelimpahan,
Dari kebisuanmu,
Firman-Ku dikumandang lagi.
Kesetiaan dan kegembiraan dalam penderitaan,
Akan menjadi bahagian engkau,
Sehingga semua orang akan mengetahui Akulah Tuhanmu
Itulah sebabnya kehidupanmu!”*

Penyakit Saya dan Asal Mulanya

Pada November 1986, sewaktu saya masih tinggal di Covina Barat, Los Angeles (LA), tiba-tiba saya berasa kesakitan di leher saya. Memikir itu hanya ketegangan otot, saya hanya mengambil berat tentang masalah itu setelah saya memperhatikan tangan kanan saya dan jari saya mulai lemah dan pergerakan otot saya merosot. Jadi, pada April 1987, saya dirawat oleh seorang ahli saraf di Monterey Park yang mengesah penyakit ini sebagai ALS.

“Penyakit apakah itu?” (ALS) saya tertanya-tanya. “Adakah penyakit itu serius?”

Ahli neurologi itu memberitahu saya bahawa ALS bererti “*Amyotrophic Lateral Sclerosis*.” Tetapi dia tidak dapat menjelaskan lebih daripada itu, kerana ia suatu penyakit yang jarang berlaku.

Apabila penyakit itu mulai menjangkiti kaki saya, saya pergi berjumpa dengan pakar neurologi lain yang memberikan saya bermacam-macam ujian termasuk *scan* otak yang menggunakan teknologi yang paling canggih. Mereka membuat kesimpulan bahawa mereka tidak pasti dengan penyakit saya, tetapi mereka mendapati ada suatu tekanan pada tulang belakang saya, yang boleh menjadi puncanya. Jika sedemikian, pembedahan *cervical laminectomy* akan meringankan gejala penyakit. Jika tidak, itu pasti ALS.

Nama lain bagi ALS ialah *Penyakit Motor Neuron*. Ia akan mempengaruhi seluruh otot voluntari kerana gangguan separuh otak yang menguasai seluruh sistem motor tubuh kita. Pesakit itu akan kehilangan upaya tangan dan kaki, juga pita suara. Punca penyakit itu tidak diketahui dan tidak mempunyai penyembuhannya. Pesakit itu biasanya mati dalam tempoh tiga tahun.

Di Amerika Syarikat, penyakit ini juga dikenali sebagai penyakit “*Lou Gehrig*.” Lou Gehrig adalah seorang pemain besbol (bola lesut) yang mempunyai berjutaan peminat. Dia mati dengan tiba-tiba dan secara dramatis pada puncak kerjayanya. Seluruh masyarakat besbol terkejut dengan kematiannya. Di arena sukan tempatan, pemain bola sepak Malaysia yang terkenal, Moktar Dahari yang baru-baru ini meninggal setelah sakit menderita ALS (*Amyotrophic Lateral Sclerosis*).

Sebelum saya bersetuju untuk pembedahan, saya membuat keputusan ke London untuk mendapat pandangan kedua dari Hospital Nasional untuk Penyakit Saraf. Saya juga sedang berfikir secara pesimitik bahawa jika memang saya dijangkiti ALS, saya ingin melihat London sebelum saya mati. Oleh kerana itu saya berlepas ke London, dengan isteri saya dan adik saya yang mendukung kedua-dua lengan saya. Pengumuman itu sedingin hospital yang dingin dan memilukan, “Penyakit Motor Neuron” iaitu nama yang digunakan oleh orang British. Setelah mengunjungi teatre, Menara London, istana Harrods dan Windsor, saya pulang ke LA dengan hati yang berat.

Oleh sebab saya seorang yang degil, saya mengambil keputusan untuk dibedah, mudah-mudahan bukan ALS. Pembedahan ke atas saya dilakukan pada Februari 1988, di Amerika Syarikat bagi cervical spondylosis. Tetapi

pembedahan itu membuktikan saya dijangkiti ALS. Keadaan saya bertambah merosot sehingga pada bulan Mei tahun itu, saya pulang ke Singapura, negara kelahiran dan mungkin tempat kematian saya.




Apabila Hidup Ini Tak Tertahan Lagi

Beberapa tahun yang lalu, saya berada dalam kapal terbang yang terakhir untuk berangkat dari Manila ke Los Angeles di tengah-tengah angin badai. Awan gelap menutupi seluruh langit, angin kencang menderu serta mengejar hujan. Juruterbang berusaha menembusi awan gelap, pandangan kami hampir tertutup. Dari ruangan kabin yang sepi, saya dapat melihat hujan deras memukul jendela kapal terbang. Keempat-empat jentera Boeing 747, melawan angin kencang itu dengan kuat. Kapal terbang kami tergoncang naik turun seperti permainan yoyo, saya mulai meragukan keputusan juruterbang untuk bertolak hari itu. Kapal terbang itu bergoncang dengan begitu kuat. Tempat meletak barang di atas kepala terlempar lalu terbuka, sehingga semua barang tercampak keluar. Tetapi juruterbangnya masih tabah, menerjang melawan angin taufan. Saat-saat permulaan yang menakutkan, seakan-akan begitu lama, akhirnya kami menembusi awan yang biru dan masuk ke angkasa yang terbentang luas.

Matahari bersinar terang di tengah-tengah awan yang cerah dan tenang sewaktu kami berusaha menelusuri jalan gelap yang berbahaya itu. Akhirnya, tanda boleh membuka tali pinggang keselamatan dinyalakan, betapa leganya perasaan kami selepas itu diikuti perasaan tergesa-gesa ke tandas.

Demikian juga kehidupan kita. Apabila kita dilandai masalah kehidupan yang tak kunjung padam, kita terombang ambing dan mudah kehilangan keseimbangan kita. Kita biasanya kehilangan pengharapan, menjadi kecewa apabila kita merasa lemah dan takut. Saya merana apabila melihat tangan saya tidak berdaya, saya tidak dapat menangkap nyamuk mahupun berteriak meminta pertolongan. Saya terpaksa bergantung pada orang lain untuk segala keperluan, ini mengecewakan kecewa. Kadangkala saya berasa cemburu terhadap pesakit yang menderita barah atau penyakit Parkinson yang masih dapat berjalan, bercakap atau menggunakan tangan mereka.



Kenapakah Tuhan Yang Maha Penyayang Mengizinkan Penderitaan?

Banyak pertanyaan dalam kehidupan kita tidak dapat dijawab dengan pengertian kita yang amat terbatas. Sejak saya sakit, pertanyaan di atas sering mengganggu saya. Masalah ini bertambah berat setahun sesudah penyakit saya. Saya pernah berusaha menjemput seorang sahabat yang belum percaya untuk menghadiri kebaktian di gereja, pada mulanya dia rajin tetapi mulai sudah tidak datang. Apabila saya meminta alasannya, dia berkata, “Jika Tuhan mengasihi anda, kenapa dia membiarkan anda menderita dan tidak menyembuhkan anda?” Saya begitu hairan dan tidak dapat menjawab kerana saya tidak tahu jawapannya!

Saya mulai mencari Tuhan dengan segenap hati dan menanyakan Tuhan kenapa saya tidak dapat disembuh. Saya bersungut bahawa dengan membiarkan diri saya sakit, Dia sebenarnya menjauhkan orang lain daripada-Nya. Oleh kerana itu, Dia harus menyembuh saya dengan segera. Tetapi Tuhan tidak tergerak oleh pendekatan keras ini dan Dia hanya mendiamkan Diri sahaja.

Sekarang hampir enam tahun saya menderita penyakit ini dan banyak meluangkan masa dalam berdoa dan menunggu Tuhan. Saya dapat memahami situasi ini dengan menanggapi rancangan Tuhan untuk saya. Saya percaya Tuhan

sedang menyatakan lebih daripada Diri-Nya berbanding sewaktu saya masih sihat. Dalam proses pemangkasan, saya percaya saya sudah menjadi orang yang lebih kuat dan baik.

Berlian Dalam Kegelapan

Dalam enam tahun kebelakangan ini, saya telah mempelajari banyak mengenai Tuhan daripada yang pernah saya pelajari seumur hidup saya semasa tubuh saya normal. Tuhan telah memberi saya harta dalam kegelapan dan kekayaan disimpan di tempat rahsia supaya saya mengetahui, *“Aku akan memberikan kepadamu harta karun yang terpendam dan harta karun di tempat-tempat tersembunyi supaya engkau tahu, bahawa Akulah Tuhan Allah Israel, yang memanggil engkau dengan namamu.”* (Yesaya 45:3). Pada waktu kegelapan hidup ini, saya belajar mengenai kerendahan hati, kesabaran dan tahan menderita; kita harus menurut, *“Dan biarkanlah ketekunanmu itu membawa buah yang matang, supaya kamu menjadi sempurna dan utuh tanpa kekurangan apa-apa jua.”* (Yakobus 1:4).

Dalam keadaan saya sekarang, saya merasa sulit untuk membaca Alkitab kerana tidak mampu membukanya. Merujuk ayat-ayat Alkitab dan mencari ayatnya dengan usaha sendiri hampir sesuatu yang mustahil. Namun Tuhan dalam rahmat-Nya telah memberi saya kemampuan menghafaz perenggan Alkitabiah yang memampukan saya menyumbang untuk perbincangan ini dan juga untuk menulis buku ini. Tuhan belum menyembuh saya kerana Dia sedang menyatakan perkara yang hebat dan besar mengenai Diri-nya yang saya berkesempatan menerimanya.

Menyerupai Yesus

Setelah bertahun-tahun berjalan bersama dengan Tuhan, saya mendapati bahawa saya dapat mengorak langkah yang lebih besar setiap kali saya mengalami satu krisis. Api daripada setiap krisis dapat membakar setiap kotoran peribadi saya sehingga saya dibentuk menjadi lebih murni. Para Pemazmur berseru, *“Sebab Engkau, ya Allah telah menguji kami dan telah memurnikan kami, seperti orang Memurnikan perak. Engkau telah membawa kami ke dalam jaring. dan kaupasangkan beban yang berat pada pinggang kami”* (Mazmur 66:10,12).

Tidak dapat disangkal betapa sakitnya dimurnikan oleh api dan air. Kita tidak suka diubah khususnya menyerahkan sesuatu yang kita sukai. *“Sebab rancangan-Ku bukanlah rancanganmu, dan jalanmu bukanlah jalan-Ku, demikianlah firman Tuhan,”* (Yes. 55:8) Tuhan ingin kita dimurnikan supaya kita lebih menyerupai Yesus.

Inilah ertinya semua ini. Oleh kerana Tuhan mengasihi kita, Dia ingin mempersiapkan kita untuk bertemu dengan Dia dalam kesucian dan kemuliaan. Kita manusia yang berdosa, jarang memiliki kesempatan untuk melihat Tuhan.

Hanya seorang sahaja di dunia yang menyenangkan hati Tuhan sehingga Dia duduk di tangan kanan Tuhan sekarang. Namanya Yesus. Inilah sebabnya Tuhan, Sebab, semua orang yang ditakdirkan untuk dipilih-Nya, mereka juga ditakdirkan-Nya untuk menjadi serupa dengan gambaran Anak-Nya supaya Dia, Anak-Nya itu, menjadi yang sulung di antara banyak saudara. (Rom 8:29). Apabila kita lebih Menyerupai sifat Yesus dan hidup lebih berkenan kepada-Nya, Dia boleh memberkati kita.

Memberi Kemuliaan Kepada Tuhan

Tuhan boleh menyebabkan segala sesuatu terjadi dan tidak ada rancangan-Nya boleh dihalangi seperti yang dialami oleh Ayub (Ayub 42). Apabila kita menderita dalam iman, mempercayai Tuhan tanpa mempeduli apa yang terjadi pada tubuh kita, Dia dapat mengubahnya menjadi suatu keadaan yang membawa kemuliaan kepada-Nya.

Memberi Kemuliaan Kepada Tuhan

Tuhan boleh menyebabkan segala sesuatu terjadi dan tidak ada rancangan-Nya boleh dihalangi seperti yang dialami oleh Ayub (Ayub 42). Apabila kita menderita dalam iman, mempercayai Tuhan tanpa mempeduli apa yang terjadi pada tubuh kita, Dia dapat mengubahnya menjadi suatu keadaan yang membawa kemuliaan kepada-Nya.

Apabila seorang Kristian hidup mewah, mempunyai beberapa buah kereta di garaj dan dapat bercuti dengan segala kemewahan, seorang yang belum percaya mungkin menginginkan rumahnya, keretanya dan juga waktu cutinya. Tetapi apabila seorang Kristian menderita lama dan sulit mengalami damai dan pengharapan dalam Tuhan, seorang yang tidak percaya ingin mengenal Tuhannya. Paulus memberi kita keyakinan seperti ini, *“Kita tahu, bahawa Allah turut mengerjakan segala sesuatu demi kebaikan mereka yang mengasihi Dia, yang terpenggil sesuai dengan rencana Allah.* (Rom 8:28).

Penderitaan Dan Ketidakpastian Hidup

Buku yang menghurai topik penderitaan tidak boleh dianggap lengkap tanpa merujuk kepada kitab Ayub. Walaupun Ayub orang yang paling kaya di Timur, dia tidak menyalahgunakan kekayaannya dan begitu takut akan Tuhan. Dia diberkati dengan begitu banyak domba, binatang ternakan seperti lembu, kerbau, kambing dan unta serta isteri dan anak. Mereka hidup dalam kemewahan, dilayani oleh beberapa orang gaji kemudian suatu hari, tragedi menimpa mereka.

Ayub tidak hanya kehilangan semua harta bendanya malah anaknya sekaligus. Bayangkan anda tidak hanya kehilangan rumah anda, kereta anda, saham atau wang anda atau diisytiharkan muflis tetapi juga kehilangan semua anak anda. Siapakah yang akan mempersalahkan anda jika anda menyoalkan Tuhan? Tetapi Ayub tidak berbuat demikian, dia berkata, *“Dengan telanjang aku keluar dari kandungan ibuku, dengan telanjang juga aku akan kembali ke dalamnya. Tuhan yang memberi, Tuhan yang mengambil, terpujilah nama Tuhan!”* (Ayub 1:21).

Sungguh hebat imannya! Alkitab berkata Ayub tidak berdosa dalam semua mala petaka itu.

Iblis berbantah, maklumlah, Ayub boleh bertahan kerana dia tidak tersentuh secara peribadi. Seandainya, dia disiksa dalam tubuhnya pasti dia akan mengutuk Tuhan. Pada umumnya, hal ini benar bagi semua orang. Kehilangan

kekayaan itu lebih mudah daripada kehilangan kesihatan kita. Kita dapat memulihkan kekayaan kita. Orang tertentu tidak dapat bertahan menderita dalam kesakitan mereka, khususnya penyakit yang mencacatkan atau penderitaan yang tidak dapat dirasa dalam jasmani tetapi juga dalam batin.

Iblis menyiksa Ayub dengan bisul-bisul dari telapak kakinya hingga ke kepalanya. Ayub terpaksa mengambil serpihan kaca untuk menggaruk-garuk badannya. Isterinya merasa tidak tahan lagi dan menggalakkan Ayub untuk mengutuk Tuhan atas apa yang terjadi pada dirinya. Pada umumnya, kita akan merana dan diuji untuk mengutuk Tuhan apalagi kalau kita setia dan tidak pernah melakukan kesalahan. Tetapi Ayub tidak berbuat begitu. Dengan iman yang penuh keyakinan, dia bertanya dengan sedih, “Adakah kita hanya menerima yang baik daripada Tuhan dan tidak yang buruk?”

Oleh sebab kita tinggal di dunia yang terjatuh ke dalam dosa, kita harus selalu diperingatkan bahawa kejahatan akan mempengaruhi orang yang jahat dan yang baik. Biarlah kita tidak tertarik oleh ketamakan orang bodoh yang hanya ingin membangun lebih banyak gudang untuk kekayaan sendiri tanpa menyedari bahawa dia akan kehilangan hidupnya pada esok paginya. Selwyn Hughes telah menyatakan bahawa penderitaan ini bahan dasar kehidupan, yang dapat dianyam untuk membentuk sifat kita. Apabila kita dilandai penderitaan, biarlah kita bersikap seperti Ayub, belajar menerima yang baik dan buruk serta memberkati nama Tuhan.


Penderitaan Dan Dosa

Dalam bukunya, “Berkat dan kutukan,” Derek Prince cuba menghubungi antara mental dan jasmani, dan kutukan yang berasal daripada dosa. Dia mengemukakan bahawa gejala dan tanda-tanda tertentu menunjukkan bahawa kutukan adalah sumbernya; apabila kutukan itu ditiadakan maka penyembuhan akan terjadi. Namun dia memperingatkan agar jangan menganggap setiap penyakit itu akibat kutukan dan ‘dosa. Saya juga berpendapat betapa salahnya seandainya kita menghubungi setiap penyakit dengan dosa yang dilakukan oleh orang itu. Kita tidak memiliki dasar alkitabiah untuk berpendapat begitu. Perkara ini memang benar bagi kes-kes serius yang membabitkan perhubungan sesama jenis, homoseks atau penagihan dadah, tetapi hal ini tidak dapat diterapkan untuk mereka yang dijangkiti akibat pemindahan darah. Dalam Yohanes 9 apabila Tuhan Yesus ditanyakan sama ada kebutaan orang itu akibat dosanya atau dosa ibu bapanya, Dia menjawab, “bukan dia atau ibu bapanya.” Dosa asal di taman Eden telah menyebabkan penderitaan melandai orang yang baik dan jahat di dunia yang terjerumus dalam dosa.

Ketiga-tiga sahabat Ayub menghuraikan dengan panjang lebar bahawa penderitaan diakibatkan oleh dosa yang terpendam dan yang menghindari penyembuhan. Mereka mendesak Ayub untuk mengakuinya. Walau Ayub menerima penderitaan jasmani dengan baik, dia mulai hancur melulu ketika serangan terakhir dilancarkan. Serangan itu tertuju secara langsung terhadap semangat dan jiwanya.

Selama enam tahun menderita, saya sering diberkati oleh kunjungan dan doa ramai sahabat-handai. Ini telah banyak menghibur dan menggalakkan saya. Setengah-tengah sahabat bermaksud baik dan jujur, mereka percaya bahawa penyakit ini disebabkan oleh dosa yang belum diakui sama ada daripada orang itu atau nenek moyangnya. Ini menghalangi penyembuhan.

Saya ingin mengingatkan orang yang melayani ini agar lebih berhati-hati sewaktu melayani orang yang sakit. Mereka tidak boleh menghubungkan penyakit dengan dosa. Padahal, seandainya Tuhan tidak menyatakan demikian, lebih baik kita tidak menghubungkannya dengan dosa. Pesakit yang berada dalam keadaan lemah mungkin menganggapnya sebagai penghukuman. Dari pengalaman saya, kunjungan daripada orang sedemikian tidak menggalakkan saya atau membawa saya lebih dekat kepada Tuhan, sebaliknya membuat saya sedih dan terpisah daripada Tuhan. Orang yang sakit tidak boleh diperlakukan sedemikian.



Penderitaan Dan Tuhan Yang Maha Esa

Ayub tidak hanya kehilangan semua harta bendanya dan anak-anaknya, dia juga disiksa oleh siksaan rohani tiga temannya, tambahan pula dia tidak mendapat jawapan daripada Tuhan mengenai puncanya. Di samping itu, dia seorang yang baik sehingga Tuhan tidak menemui sebarang cacat cela dalam dirinya.

Respon pertama orang yang menderita kesengsaraan khususnya yang mengancam kehidupannya ialah mereka akan bertanya, “Kenapa saya Tuhan? Bukankah saya bersikap baik terhadap Engkau? Kenapakah Engkau tidak membiarkan ini terjadi kepada para pembunuh, penyembah iblis atau peminat gambar lucuh?” Mereka patut menerima semua ini lebih daripada saya.

Sama seperti Ayub, saya begitu sengsara selama enam tahun oleh kerana Tuhan telah membungkam mulut-Nya terhadap penyakit saya. Walaupun saya telah menaikkan doa yang tabah dan sungguh-sungguh daripada hati, keadaan tubuh saya tetap melarat sehingga kini saya kehilangan semua daya anggota tubuh dan suara saya. Kenapakah Tuhan tidak menjawab doa saya?

C.S. Lewis berkata sewaktu isterinya meninggal kerana sakit barah, dia terasa seakan-akan Tuhan telah membanting pintu dan menguncinya dari luar dan dalam. John Wimber begitu kecewa apabila David Watson mati padahal doanya

telah menyembuhkan begitu ramai orang. Kenapakah Tuhan tidak menjawab doa orang yang setia ini? Kenapakah dia tidak menjawab saya? Kita mungkin tidak memperoleh sebarang jawapan untuk pertanyaan ini kecuali kita berhadapan dengan Tuhan.

Hingga akhirnya juga, Ayub tidak memahami kenapa dia menderita. Padahal sabda pertama yang disampaikan oleh Tuhan setelah suatu jangka waktu sunyi ialah, “Siapakah dia yang menggelapkan keputusan dengan perkataan yang tidak berpengetahuan?” Dengan pengetahuan yang Maha Esa, kita tidak dapat memahami kenapa Ayub begitu marah kerana Dia begitu yakin akan kesetiaan Ayub terhadap iblis. Tetapi di sini Ayub menangis seperti seorang anak untuk jawapan yang tidak dapat diberikan oleh Tuhan kerana tidak mahu kalah dalam pertarungan itu.

Kadangkala salah satu sebabnya Tuhan tidak menjawab doa kita ialah demi kebaikan kita. Nabi Yesaya berkata kepada Tuhan bahawa manusia adalah seperti bunga, bermekar pada hari ini dan hari esoknya akan layu. Apabila kita melihat kebesaran dan kedaulatan Tuhan, kita akan bertaubat daripada keangkuhan dan sikap mementingkan diri. Ayub mengumumkan bahawa tidak ada satu rancangan Tuhan pun dapat dihalangi. Tidak mungkin tanah liat boleh mengarahkan pembuat periuk. Bagi saya, dalam situasi seperti ini, perkara yang paling penting hanyalah percaya kepada Tuhan dan menurut sahaja. Yosua berkata, “Untuk saya dan keluarga saya, kami akan melayani Tuhan.”

Bagaimana Menghadapi Penyakit Tanpa Disembuh

Saya hanya mengetahui seseorang yang menderita akan melalui beberapa tahap apabila diberitahu mengenai keparahan penyakitnya apalagi yang tidak dapat disembuh.

1. Tidak percaya akan ketepatan prognosis. Bagaimanakah semua ini boleh terjadi kepada saya dan benarkah semuanya ini? Saya dirawat oleh doktor dari tiga negara berbeza supaya saya dapat memperoleh pendapat yang berlainan untuk mengesahkan kes saya.
2. Perkataan, “bagaimana” berubah menjadi, “kenapa saya?” apabila kenyataan makin menimpa. Pertanyaan mengenai keadilan dan mengapa Tuhan bersikap begitu kejam terhadap seseorang menimbulkan kekeliruan dan perasaan kecewa. Untuk pertama kali dalam kehidupan, kematian menjadi kenyataan yang tidak dapat disangkal.
3. Sekarang dia sampai ke tahap genting. Apa yang dilakukannya boleh menentukan sama ada dia akan tenggelam ke dalam kekecewaan, membawa dia ke alam maut, atau diangkat dengan pengharapan dan dipenuhi dengan kekuatan ilahi yang menuju ke kehidupan kekal.

Tercatat di bawah merupakan langkah-langkah yang saya ambil untuk melepaskan diri saya daripada krisis. Ini mungkin dapat menolong mereka yang menderita dan tidak tahu apa yang harus dilakukan. Percayalah saya apabila

saya mengatakan bahawa saya mengetahui semua mengenai penderitaan dan luka kerana saya pernah mengalaminya.

Namun pada tahap ini, saya tidak akan berbincang mengenai penyembuhan ilahi tetapi mengenai sumber kekuatan rohani yang memampukan kita mencapai kemenangan atas segala penderitaan kita dan membawa kemuliaan dan hormat kepada Tuhan sekalipun belum disembuh. *“Dalam segala hal kami ditindas, namun tidak remuk. Kami habis akal, namun tidak putus asa.. Kami dianiaya, namun tidak ditinggalkan sendirian. Kami dihempaskan, namun tidak binasa.”* (2 Kor. 4:8,9).

Langkah Pertama: Menyerahkan penyakit anda kepada Tuhan

Apabila kita diberitahu mengenai penyakit kita khususnya mengenai penyakit yang tenat, yang tidak dapat dirawat, reaksi kita ialah segera mengirim S.O.S (isyarat cemas) kepada Tuhan dan meminta Dia untuk menyembuh sekarang juga! Apabila Dia tidak menjawab, kita mendesak lagi dengan lebih bersungguh-sungguh. Kita akan menjadi kecewa dan marah akan Tuhan kerana tidak mendengar. Setelah itu kita cepat tenggelam dalam kekecewaan, tertekan dalam kepahitan.

Adakah keadaan di atas sesuai untuk dijawab oleh Tuhan?

Kita boleh berasa terhibur kerana tokoh-tokoh yang hebat dalam Alkitab juga bersikap begitu. Ayub kehilangan semua anaknya dan semua harta miliknya, dan dijangkiti oleh bisul-bisul di seluruh tubuhnya. Hampir 37 daripada 42 bab dalam kitab itu, Ayub sedang menangis dan mengomel bahawa dia orang yang salih dan harus dibebaskan daripada

hukuman yang pahit. Ayub tidak mengetahui bahwa justru dia seorang yang salih, itulah sebabnya Tuhan membiarkan iblis melukainya. Usahnya untuk membuktikan nilainya kepada Tuhan tidak berguna dan doanya tidak dijawab oleh Tuhan. Apabila Tuhan bersabda, Dia seakan-akan sedang marah, “Siapakah yang menggelapkan saya dengan perkataan yang tidak berpengetahuan?” Kemudian Tuhan memerintah Ayub untuk bersifat seperti manusia dan berhenti mengeluh.

Dalam empat bab berikutnya, Tuhan menjelaskan peranan-Nya dalam ciptaan dan kenapa Dia dianggap Tuhan. Kemudian Ayub bertaubat daripada kebodohnya dan meyakini bahwa tidak ada yang dapat menghalangi tujuan Tuhan. Sekarang dia sudah melihat Tuhan dan memahami kelemahan sendiri. Dia berkata, *“Hanya dari kata orang saja aku mendengar tentang Engkau, tetapi sekarang mataku sendiri memandang Engkau”* (Ayub 42:5).

Dia tidak lagi menuntut atau mengeluh, dia hanya berpasrah dan menunduk. Ingat, apabila Ayub menyerahkan diri kepada Tuhan pada tahap ini, dia belum disembuh lagi. Tetapi pada saat dia mengambil langkah yang beriman ini, dia telah menghapuskan halangan yang memisahkan dia daripada rahmat Tuhan. Dia disembuh dan diberkati berlipat ganda daripada yang terhilang.

Mengapakah menyerahkan masalah kita kepada Tuhan begitu penting? Apabila kita begitu dikuasai oleh penyakit kita, kita makin melihat diri sendiri, tenggelam dalam masalah sendiri dan menciptakan suatu tembok pemisahan di antara kita dengan Tuhan. Tetapi apabila kita percaya kepada Tuhan sehingga kita dapat meletakkan beban pada kaki-Nya, kita mula berpaling daripada diri sendiri dan memusatkan perhatian pada Tuhan, dan merobohkan pemisahan tembok itu. Semakin kita mempercayai Tuhan, semakin halangan itu

dapat dihapuskan dan memudahkan kita menerima berkat Tuhan. Paulus menjelaskan kebenaran ini dalam Filipi 4:6-7, *“Janganlah kamu khuatir akan apa-apa juga, tetapi dalam segala hal, nyatakanlah keinginanmu kepada Allah dalam doa dan permohonan dengan ucapan syukur. Damai sejahtera Allah, yang melampaui segala akal, akan memelihara hati dan fikiranmu dalam Kristus Yesus.”*

Langkah Kedua: Mengenal Tuhan dengan lebih dekat lagi

Tidak ada orang pernah melihat Tuhan kerana Dia adalah Roh. Bagaimanakah seseorang dapat mengenal Tuhan yang tidak pernah dilihatnya atau ditemuinya? Saya tetap memegang prinsip bahawa kita tidak perlu bertemu dengan seseorang sebelum mengenalnya. Contohnya saya tidak perlu bertemu dengan Encik Lee Kuan Yew, bekas Perdana Menteri Singapura secara peribadi tetapi saya tahu dia seorang yang jujur, penuh dengan kebanggaan nasionalistik dan mempunyai banyak semangat untuk berjaya dan mencapai kecemerlangan. Bagaimanakah saya dapat mengetahui semua ini tanpa bertemu dengan Encik Lee Kuan Yew? Saya dapat mengenal Encik Lee daripada pelbagai buku yang ditulis mengenainya oleh orang yang mengenal dia dengan baik. Saya juga membaca mengenai apa yang dikatakannya dan pegangannya daripada suratkhbar. Lebih-lebih penting lagi, daripada pengamatan tingkah lakunya selama beberapa tahun ini, saya dapat mengesah pendapat saya mengenainya.

Demikian juga dengan Tuhan, kita akan mempelajari segala mengenai Tuhan daripada pembacaan Alkitab, yang pada dasarnya sebuah buku yang ditulis oleh orang yang mengenal Tuhan melalui cara yang istimewa. Buku seperti, “Knowing God” oleh J.I. Packer sudah saya baca berulang

kali. Membaca kesaksian hidup orang yang tersentuh oleh Tuhan akan memberi pandangan yang mendalam mengenai sifat-Nya. Ada orang mengatakan walaupun mereka tidak meneliti Alkitab, iman mereka tetap kuat. Saya percaya kita sulit mempercayai dan menyerahkan hidup kita kepada-Nya jika kita tidak mengenal Dia. Iman seperti ini hanya bersifat dangkal.

Namun kita tahu ada perbezaan besar antara berpengetahuan mengenai Tuhan dan mengenal Tuhan. bahan-bahan bacaan mengenai Tuhan pun tidak akan menolong kita untuk lebih mengenal Tuhan *kecuali menjalin perhubungan dengan Tuhan setiap hari*. Apabila saya menunggu Tuhan melalui waktu yang susah, saya mulai melihat tangan Tuhan di dalam kehidupan saya dan diyakini bahawa Dia menjaga saya dengan aktif.

Langkah Ketiga: Menukar Gaya Hidup Anda

Doktor memberitahu saya bahawa penyakit saya tidak boleh disembuhkan dan saya tidak ada harapan, saya sedari bahawa saya mempunyai kehidupan yang singkat, oleh itu lebih baik saya meluruskan kehidupan dan bersiap-sedia bertemu dengan Pencipta saya. Dalam 2 Kor. 4:16-18, kita diajari bagaimana kita boleh menguatkan batin kita walaupun tubuh kita semakin merosot. Kita boleh memperhatikan perkara yang bukan sementara kerana yang tidak kelihatan adalah kekal.

Paulus juga menggalakkan agar kita tidak berasa kecewa kerana penderitaan kita sedang mencapai kemuliaan kekal yang jauh lebih besar daripada penderitaan kita.

Bagaimanakah penderitaan kita boleh membawa kemuliaan? Ini telah menarik perhatian saya selama beberapa

waktu. Perkara yang tidak kelihatan apakah yang sedang kita perhatikan? Sewaktu menelaah Alkitab, saya mendapat jawapan daripada 1 Petrus. Kita diminta untuk bersukacita apabila dilandai oleh pelbagai kesusahan (ayat 6). Kenapa? Di dalam penderitaan kita, iman kita diuji sehingga lebih bernilai daripada emas. Iman dalam Kristus itu sesuatu yang tidak kelihatan, perkara kecil yang dapat menguatkan batin kita.

Bagaimanakah iman kita dalam Kristus boleh menolong kita mencapai kemuliaan yang kekal? Jawabannya terletak pada 1 Petrus 1:7, *“Maksud semuanya itu ialah untuk membuktikan kemurnian imanmu- yang jauh lebih tinggi nilainya daripada emas yang fana- sehingga kamu memperoleh puji-pujian dan kemuliaan dan kehormatan pada hari Yesus Kristus menyatakan diri-Nya.”* Kalau kita beriman kepada Kristus selama kita menderita, tidak kisah apa yang terjadi kepada tubuh kita, kita tetap dapat menyenangkan Tuhan. Penderitaan ini akan membawa pujian dan kemuliaan kepada Kristus, dan apa yang terjadi pun kita tetap akan menuai kemuliaan kekal untuk diri kita sendiri.

Saya berasa sungguh terhibur kerana saya tetap dapat menyenangkan hati Tuhan dan melakukan sesuatu yang bermanfaat bagi diri saya. Walaupun saya tidak dapat mengangkat jari untuk melakukan sesuatu memandangkan keadaan saya sekarang. Inilah damai Tuhan yang melampaui segala batas pengertian (Filipi 4:7) yang membolehkan kita mencapai kemenangan.

Dilema Menghadapi Penderitaan

Pada saat menderita penyakit yang melarat, seorang umat Tuhan dapat mengalami sentuhan Kristus dan penghiburan yang menguatkan dia untuk menjalani kehidupannya. Hanya mereka yang telah mengalami luka yang mendalam boleh menceritakan pengalaman khususnya damai dan sukacita yang membawa pengharapan serta kekuatan batin sekalipun tidak ada perubahan jasmani. Anehnya, pengalaman rohani yang menyegarkan boleh mendatangkan dilema kepada seorang Kristian dalam penderitaannya.

Bagi sesiapa yang berkurung di rumah, kebosanan itu sangat membinasakan. Saya mengenal seseorang yang selalu meminta orang gajinya memindah perabot di rumahnya hampir setiap hari, hanya untuk menyibukkan dirinya. Jika tubuh kita tidak aktif, fikiran kita tetap memerlukan ransangan supaya kebosanan tidak meresap ke dalamnya. Ini akan menimbulkan tekanan, cepat naik darah dan perasaan kecewa. Inilah salah satu masalah yang dihadapi oleh orang yang selalu berkurung di rumah sepanjang hari.

Selama bertahun-tahun bersendirian di rumah, saya mengalami kehadiran Tuhan yang sangat menghiburkan saya. Saya sangat bersyukur jika saya ke taman permainan atau pantai tetapi semua ini tidak penting untuk keberadaan saya. Saya hanya menganggapnya sebagai berkat tambahan. Kadangkala selama beberapa hari, saya tidak dapat bercakap dengan sesiapa dengan penuh makna kerana kesibukan

kerja mereka namun saya tetap terhibur oleh Tuhan dan persekutuan-Nya.

Kurnia damai dan sukacita daripada penderitaan yang hanya datang daripada Tuhan telah menyebabkan saya berfikir. Jika dalam dunia yang tidak sempurna ini, kita hanya dapat menikmatinya sekali-sekala, betapa indahnya jika saya dapat meninggalkan dunia ini dan penderitaan supaya dapat tinggal bersama dengan Tuhan selama-lamanya. Bagi kita yang pernah menghadapi kenyataan hidup dan mati, kengerian mati segera akan digantikan dengan sukacita di hadirat Tuhan.

Inilah dilema orang Kristian. Pada satu pihak, orang Kristian yang menderita berdoa untuk pembebasan dan penyembuhan, namun oleh kerana dia ingin menikmati kebaikan Tuhan, dia ingin pulang ke rumah syurgawi selama-lamanya. Inilah dilema yang dijelaskan oleh Paulus dalam Filipi 1:23. “Aku didesak dari antara dua keinginan; aku ingin pergi dan tinggal bersama-sama dengan Kristus kerana itu jauh lebih baik.” Kadangkala pada saat gembira, saya ingin bersama dengan Tuhan dan saya telah mendoakan kematian agar dapat mengalami kedamaian dan sukacita-Nya serta terlepas daripada penderitaan.

Bukankah maut itu suatu peristiwa yang terpaksa dialami oleh setiap orang seperti kelahiran dan keremajaan? Kenapakah saya harus tetap menderita di sini? Seorang sahabat saya yang menderita penyakit Parkinson berkata pakaianya sudah dikemas dan dia sudah bersiap sedia untuk pulang. Saya dapat memahami keinginannya kerana keberadaan di dunia sudah tidak dapat diharapkan lagi. Namun adakah ini kehendak Tuhan untuk kita?

Saya percaya tidak ada satu insan pun yang boleh mengambil keputusan atas isu yang kritikal ini. Pilihan antara

kematian atau kehidupan tergantung pada Tuhan. Dia Pencipta dan Dialah yang berhak mengambil hidup kita. Paulus mengambil kesimpulan dalam surat ini bahawa tujuannya ialah menanggung semua penderitaan di dunia supaya Kristus dapat dikenali oleh semua orang. Oleh sebab itu, kita sedang menderita satu ujian dan pencobaan yang besar, kita tidak boleh diseret ke dalam pencobaan hanya untuk memuaskan diri. Hanya setelah kita mengubah penderitaan kita sebagai kesempatan bagi Tuhan, baru kita dapat mendoakan rahmat Tuhan untuk pembebasan.



Ujian Muktamad

Eli datang daripada keluarga imam. Sekarang tibalah gilirannya untuk menjadi imam besar dan untuk melayani di bait Tuhan Shiloh. Dalam tradisi anak-anaknya Hophni dan Phinehas juga bertugas sebagai imam, tetapi mereka telah berdosa dengan ngeri di rumah Tuhan. Walaupun Eli menerima amaran daripada Tuhan, Eli tetap tidak dapat mengawasi mereka. Tuhan melalui seorang nabi telah memberitahu bahawa Dia akan menghancurkan keturunan keluarga Eli; keturunannya tidak akan hidup lama dan kedua-dua anaknya akan mati pada hari yang sama (1 Sam 1-3).


Eli bertugas begitu setia sebagai hamba Tuhan selama 40 tahun. Dialah yang telah berjaya mendoakan Hannah sehingga Samuel dilahirkan dan menjadi nabi yang paling agung di dalam Alkitab. Suatu kemungkinan yang terjadi ialah kasih Eli terhadap anak-anaknya telah menyebabkan dia bercanggahan dengan firman Tuhan. Hal ini harus menjadi amaran bagi ibu bapa yang terlalu memanjakan anak-anak mereka sehingga merosakkan mereka.

Apabila diperhadapkan dengan hukuman Tuhan yang dahsyat, Eli berkata sesuatu yang menggambarkan suasana hatinya. Tanpa menentang satu perkataan dan dalam sikap penuh penyerahan, dia berkata, “Dialah Tuhan biarlah Dia lakukan yang terbaik menurut pandangan-Nya.”

Hebat! Penerimaan ini hanya datang daripada suatu perhubungan yang intim dan akrab dengan Tuhan, yang

mendatangkan kemampuan untuk menerima yang baik dan yang buruk daripada Tuhan dengan rendah hati sambil selalu mempercayai Tuhan. Eli telah lulus ujian yang terakhir dan muktamad iaitu penyerahan yang sepenuhnya kepada Tuhan pada waktu menghadapi penderitaan besar bahkan kehilangan nyawa.

Adakah anda rela seperti Tuhan Yesus yang berkata, “kehendak-Mu jadikanlah” sewaktu Dia menuju ke kematian-Nya? Saya sering bertanya-tanya apakah yang menjadi reaksi saya seandainya Tuhan berkata Dia tidak akan menyembuh saya dan saya akan tetap menderita. Sanggupkah seperti Eli tetap akan berkata, “Dialah Tuhan, biarlah Dia lakukan yang terbaik menurut pandangan-Nya.”



Harta Kekayaan

Suatu hari, beberapa orang telah mengiringi seorang wanita yang agak tua yang susah hati untuk mengunjungi saya. Dia telah menderita sejenis kecacatan yang menyebabkan dia gugup dan memperlambatkan fungsi anggota tubuhnya. Tetapi dia tetap boleh berjalan, menggunakan tangannya, percakap yang gugup tetapi tetap dapat difahami. Walaupun dia sering dibawa keluar untuk membeli belah dan makan, dia tetap berasa pahit dan kecewa. Dia selalu mengomel-gomel bahawa tidak ada orang yang memperhatikan dia atau mengambil berat akan dia. Saya ingin sekali melakukan kegiatan yang dilakukannya, namun dia lebih sedih daripada saya. Kenapa?

Rasul Paulus begitu banyak menderita dalam kehidupannya tetapi tetap setia menjelang kematian syahidnya. Dia mengungkapkan kemenangannya dalam surat Korintusnya yang klasik tentang kemenangannya. *“Tetapi, kami memiliki harta ini dalam bejana tanah liat, supaya nyatalah, bahawa kuasa yang melimpah-limpah itu berasal daripada Allah, bukan daripada diri kami.”* (2 Korintus 4:7)

Dia dinamai rahsianya sebagai, “harta benda” yang dijelaskannya sebagai kuasa Tuhan yang melampaui semua. Dalam segala hal dia ditindas, namun tidak tersepit; dia habis akal, namun tidak putus asa, dia dianiaya, namun tidak ditinggalkan sendirian, dia dihempaskan, namun tidak binasa. Sikapnya terhadap hidup berubah sewaktu dia berpaling daripada dunia kenyataan dan dunia sementara kepada dunia Tuhan yang kekal dan tidak luput.

Bagi kita yang sedang menghadapi penderitaan yang tidak tertanggung, satu-satu cara untuk mengatasi kepahitan dan tekanan ialah menukar sikap kita terhadap perkara sementara di dunia dan memandang ke arah perkara Tuhan yang kekal. Apabila kita menyerahkan penyakit kita, luka kita dan penderitaan kita kepada Tuhan dengan beriman, kita akan menerima harta benda yang menguatkan kita. Anehnya perkara yang mengganggu kita tidak akan dianggap penting lagi dan kita dapat menghadapinya dengan baik. Akhirnya, apabila kita memperoleh lebih banyak tenaga daripada Tuhan, kita dapat menggalakkan dan melayani orang lain sekalipun keadaan jasmani kita sama sekali tidak berubah.

Demikianlah rahsia kemenangan, dengan sikap yang bersifat ilahi ini, kita akan tahan seperti buluh yang hanya membongkok ketika tertiup angin dan tidak patah. Paulus menggalakkan kita agar jangan kehilangan harapan walaupun keadaan jasmani kita semakin merosot, tetapi keadaan batin kita diperbaharui setiap hari oleh Roh Kudus. Oleh sebab itu, penderitaan kita akan menghasilkan kemuliaan yang kekal di syurga. Inilah yang membuat semuanya begitu bernilai.

Wanita yang mengunjungi saya begitu terhibur setelah dia melihat keadaan saya, dia mulai menyedari bahawa masih begitu banyak perkara yang dapat dilakukan oleh dirinya. Dia meninggalkan tempat saya dengan airmata gembira kerana dia telah belajar menumpukan perhatiannya pada Tuhan dan bukan pada tubuhnya.

Tuhan Yang Lembah Lembut

Di Gunung Karmel, Elia telah mencapai kemenangan dengan tangan sendiri dalam sejarah Alkitab. Dia membuktikan keberadaan Tuhan Yahweh, membunuh 450 nabi Baal, memohon hujan untuk mengakhiri kemarau yang terjadi selama tiga tahun dan memenangi perlumbaan kereta kuda dengan Ahab sepanjang jalan ke Jezreel. Dia seorang dengan kerohanian yang cukup hebat! Tetapi setelah menerima ancaman maut daripada Jezebel hari berikutnya, dia menikus, lari ke Selatan ke padang gurun Beersheba dan berdoa agar dia mati. Kemudian Tuhan mengutus malaikat untuk menyediakan makanan dan mengatur sedemikian rupa sehingga Elia bertemu dengan Tuhan secara pribadi di gunung Horeb. Sekitar 700 tahun sebelumnya, Tuhan juga melakukan yang sama terhadap Musa dengan menunjukkan kemuliaan-Nya di gunung Sinai, menguatkan dia untuk tugas selanjutnya.

Tuhan juga menunjukkan kuasa kepada Elia dengan angin kencang yang menghancurkan gunung, juga dalam gempa bumi dan api. Tetapi Tuhan tidak ada pada gempa bumi mahupun api. Dalam banyak peristiwa dalam Alkitab, Tuhan berbisik dengan lembut,


“Apakah yang anda lakukan di sini?” dengan harapan agar setelah dia sudah melihat kuasa Tuhan, dia akan dikuatkan. Tetapi dia masih menggigil dengan ketakutan. Tuhan tahu bahawa hamba ini sudah tiba pada tahap terakhir kehidupannya. Tanpa mengomel-gomel atau marah, Tuhan

memberi Elia perintah yang terakhir: pentabisan Hazael sebagai raja Syria, Jehu raja Israel dan Elisa penggantinya.

Contoh Elia tidak asing lagi kepada kita yang berusaha melayani Tuhan dengan setia. Satu hari kerohanian kita yang cukup tinggi boleh esoknya ke jurang yang dalam. Tetapi bapa kita yang penuh kasih sayang memahami keadaan kita. Kita juga boleh mengakui dosa kita kepada Tuhan tanpa ketakutan. Dia akan menguatkan kita dengan menunjukkan kemuliaan-Nya. Tetapi seperti Elia, kita mungkin sudah sampai ke tahap kesusahan yang terakhir dan tidak tertahan lagi, Tuhan berjanji akan menunjukkan jalan keluarnya (1 Kor. 10:13). Jalan keluar bagi Elia ialah kereta kuda, sehingga dia tidak akan menghadapi maut. Kita boleh yakin bahawa Tuhan tidak pernah meminta lebih daripada yang boleh kita tanggungkan.



Memancing bersama Roland Lau dan anak perempuannya, Melanie, di Delta Kalifornia Jun. 1985



Di lautan San Simeon, Kalifornia 1987, pada Hari Kebangkitan Yesus.



Bersama isteri, Dorothy di “Puncak Dunia” di Ngarai Besar (Grand Canyon), Arizona pada Mei 1987.



*Bercuti bersama keluargaku (Debra, Deana dan Dorothy)
di Santa Barbara, pada Sept 1987.*



*Di tangga-tangga yang menuju ke Sungai Thames. Bersama adik Grace
dan Dorothy, Disember 1987*



Aku sedang menikmati udara segar dan keceriaan sang suria di Pergunungan Kameron bersama Hakim Lai Kew Chai, Disember 1989.



Gong Xi Fa Chai! 1992

Gelombang Yang Menghempas

Di Pergunungan St. Bernardino, di tengah-tengah pepohon Alphenin dan udaranya pun cukup segar, terbentang perkampungan Lake Arrowhead yang indah, yang terletak hanya beberapa jam memandu dari Los Angeles. Di sini kami sering menyewa sebuah rumah tumpangan untuk perkelahan hujung minggu. Yang menarik hati para tetamu ialah kehadiran burung Blue Jays yang cantik, warna bulu sayapnya biru yang terang, dadanya putih dan kepalanya yang hitam, yang sering berkicauan merdu serta memanggil sesama dari pohon pines.

Terdapat sebuah danau yang paling memikat hati para pengunjung dengan keindahannya. Airnya tenang dan jernih, dan pohon pine Kalifonia berderetan di pinggir danau itu seperti berlian yang bersinar sewaktu matahari terbenam di celah puncak pergunungan.

Pada suatu ketika apabila saya sedang menghirup udara segar, menutup mata saya sambil mengucapkan syukur kepada Tuhan atas ciptaan-Nya. Ketenangan saya segera diganggu oleh deruan tajam bunyi bot laju yang keluar dari salah sudut danau, menyeberang danau dan lenyap dengan serta-merta. Danau itu tenang sahaja sehingga beberapa saat kemudian saya terdengar ombak memukul pinggiran danau yang berbatu. Saya sedar bahawa danau itu tenang dan tidak berombak, cuma hempasan ombak bot laju yang bergerak ke pinggir danau itu.

Demikian juga dengan doa kita. Apabila kelihatan seperti tidak ada sesuatu yang terjadi, jangan kecewa kerana Tuhan berjanji untuk menjawab mereka yang memohon dengan beriman dan dalam kebenaran. Doa kami yang ikhlas akan memperoleh respon daripada Tuhan seperti hempasan ombak yang dihasilkan oleh bot laju itu. Hempasan ombak itu tergantung pada kelajuan dan kuasa perahu itu, demikian juga doa kita tergantung pada kekuatan dan ketekunan. Ia hanya mengambil sedikit waktu tetapi ia pasti datang.

Edward Mckendree Bounds said, “Kita perlu mengingat empat hal dalam minda kita: Tuhan mendengar doa kita, Tuhan memperduli akannya, Tuhan menjawab doa dan membebaskan kita melalui doa kita.”



Berjalan Sendiri Bersama Dengan Yesus

Seorang gadis Albania yang bernama Agnes Gonxha Bejaxhiu, meninggalkan rumahnya di Skopje, Yugoslavia ke Ireland untuk bergabung dengan *Loreto*, mazhab Blessed Virgin Mary. Sebelum dia meninggalkan rumahnya, ibunya telah mengucapkan perkataan yang membimbing dia buat seumur hidupnya, “Kau pergi, letakkan tangan kau pada tangan Tuhan Yesus dan jalan bersamamu.”

Agnes mempelopori persekutuan, “Missionary of Charity” di Calcutta. Persekutuan ini terdiri daripada hampir 4,000 anggota dan 445 “*rumah kasih*” di 95 negara di dunia yang mengambil berat akan orang miskin. Baru-baru ini dia telah diberikan izin untuk memulai pelayanan di Cina. Hasil pekerjaannya, dia telah menerima *Nobel Peace Prize* pada 1979. Dia lebih dikenali di seluruh dunia sebagai Mother Theresa.

Ketika saya ditugaskan ke negara Filipina, saya berkesempatan mengunjungi salah sebuah “*rumah kasih*” ini di Manila. Di dalam sebuah perkarangan yang dipagari terdapat beberapa bangunan yang disambungi oleh satu lorong. Sebuah gereja didirikan di tengah-tengahnya. Tidak ada sesuatu yang membuat tempat itu menarik bahkan tidak ada papan nama untuknya. Namun, orang di sana tidak ada masalah mencari tempatnya pada waktu makan tengah hari, di mana sekumpulan orang akan berbaris di sana menanti makanan. Gerbang pintu akan dibuka dan para biarawati yang

memakai sari dihiasi dengan ribon biru, yang begitu terkenal kerana pengasasnya, akan membahagi nasi dan makanan dalam bekas yang dibawa oleh orang ramai itu. Tidak ada kekecohan pernah berlaku malah kebajikan mereka dilaksanakan dengan berkesan.

Seorang sahabat yang berasal daripada Singapura yang telah meninggalkan pekerjaannya untuk memenuhi panggilanannya membimbing kami ke bangunan yang lain. Semua pekerjaan ini diusahakan oleh para biarawati, termasuk tugas susah seperti menjaga orang sakit dan cacat, dan mereka akan bekerja bergiliran disebelah malam. Kami juga dibawa ke bangunan yang digelar “terminal” yang menampung mereka yang sakit khususnya mereka yang dijangkiti barah dan penyakit lain yang parah. Gadis muda menunjuk kepada saya sebuah katil kosong dan memberitahu kami dengan menyayat hati sekali bagaimana salah seorang telah meninggal dunia pada malam tadi. Saya menatap wajahnya dengan penuh penghargaan. Walaupun dia datang daripada latar belakang Singapura yang mementingkan kebendaan, augerah Tuhan telah memampukan dia untuk mengasihi mereka yang tersisih dari masyarakat.

Bangunan yang lain menampung orang yang dijangkiti pelbagai penyakit dan kecacatan, tetapi bangunan yang amat menyentuh saya ialah bangunan kanak-kanak. Di sini kanak-kanak yang berumur lima tahun ditunjukkan kepada kami. Mereka telah diambil dari jalan di mana mereka terlantar dan diabaikan oleh ibu mereka. Ketika kami masuk kanak-kanak ini mengerumuni kami sambil memegang kaki dan tangan kami. Saya melihat seorang anak perempuan kecil yang mempunyai kepala besar yang ganjil dan saya difahamkan bahawa dia hanya mempunyai beberapa bulan untuk hidup. Apabila saya mengendung dia, dia memegang saya dengan begitu erat sehingga saya terpaksa menahan linangan airmata.

Yang diperlukan oleh anak ini ialah kasih sayang, seseorang yang dapat memeluk dia dan bercakap dengan mereka.

Mother Theresa pada waktu memenangi Nobel Prize, US\$190,000 telah menggunakan wang ini untuk membangun rumah bagi orang yang berpenyakit kusta. Tambahan pula, Mother Theresa meyakinkan penganjurnya agar membatalkan jamuan yang akan diadakan untuk menghormatinya dan menderma wang itu kepada orang miskin. Kebulatan hatinya untuk kesederhanaan dan pelayanan yang sungguh-sungguh terhadap orang yang tersingkir, orang yang merana dan orang miskin sepanjang 60 tahun, hanya dikuasai oleh yang Ilahi. Tidak ada insan dapat bertekun tanpa lelah untuk suatu tugas yang tidak terkenal budi dan juga memerlukan pengorbanan peribadi, hanya dengan usaha sendiri dan masih tidak kehilangan kepekaan untuk mengasihi hingga ke akhir hayat.

Tubuh kecilnya yang dibalut oleh sari putih seperti Kristus, tidak istimewa apabila dipandang khususnya pada zaman yang menyanjungi tubuh licin dan tidak berbintik-bintik. Namun dia telah menarik perhatian putera dan presiden dan dengan hasil jerih payah sendiri mendapat cukup wang untuk pelayanan yang berkembang dengan berleluasa di dunia, yang berlawanan dengan zaman pemuasan diri dan pementingan kemewahan.

Rahsia kuasanya terletak pada waktu mudanya, dia telah mengikuti kata-kata ibunya untuk “jalan dengan Yesus.” Satu nyawa tidak terhirau betapa lemah, jika diserahkan kepada Yesus dapat membawa begitu banyak berkat kepada ramai orang.

“Kamu mesti memberi apa yang berharga kepada kamu. Ini bukan memberi sesuatu yang kamu boleh hidup tanpanya, tetapi sesuatu yang kamu perlukan untuk hidup, atau

tidak mahu hidup tanpanya, sesuatu yang kamu betul-betul suka. Baru pemberian kamu itu suatu korban, yang bernilai di depan Tuhan. Pengorbanan apa sahaja berguna kalau dilakukan dengan kasih. Kesanggupan untuk memberi sehingga diri terasa nilai harganya—ini dipanggil korban-kasih yang bertindak.” (Mother Theresa)



Fikiran Kita Yang Terbatas

Salah satu kesulitan yang paling besar untuk beriman ialah keangkuhan cendekiawanan. Biasanya ramai orang yang berpengetahuan dan pandai akan menolak segala sesuatu yang tidak logis kepada mereka. Dalam penilaian mereka, mereka hanya tergantung pada pengetahuan mereka. Tetapi apa yang logis dalam fikiran kita yang terbatas bukanlah kebenaran apabila kita menghadapi Tuhan yang tidak terbatas.

Semasa muda di sekolah, saya diajari dari buku teks mengenai hukum alam yang dikemukakan oleh pemikir dunia yang terkenal. Contohnya terang itu berjalan dalam garis yang lurus dan digunakan untuk mengukur gerakan datar. Tetapi hukum ini tidak benar lagi kerana terang boleh dibengkokkan oleh kuasa magnetik yang kuat. Padahal pindahan terang daripada cakrawala lain dapat memberi data yang berguna bagi ahli kaji bintang. Saya juga diajari bahawa partikel yang paling kecil seperti elektron, proton dan neutron merupakan partikel di mana segala sesuatu didirikan. Sekali lagi, hukum ini tidak berguna, ahli sains telah menemui satu partikel yang lebih kecil yang boleh menjadi dasar blok bangunan.

Inilah dasar permulaan fizik Newton namun saya telah melihat dasar ini berubah pada waktu kehidupan yang singkat. Bagaimana pula dengan data kehidupan dan alam sejangkit kita? Kita menyedari bahawa kita mengetahui begitu sedikit, dan semakin kita tahu semakin kita menyedari begitu banyak yang perlu diketahui.

Stephen Hawking yang kebetulan menderita penyakit yang sama adalah salah seorang pemikir “Big Bang” dan pakar teori (Black Holes) Lubang Hitam. Dia menulis sebuah buku yang menarik mengenai, “A Brief History of Time” yang menjelaskan keindahan alam se jagat dalam bahasa yang mudah difahami. Salah satu bahagian buku ini menarik perhatian saya. Dia mengatakan bahawa jika kita mengukur radiasi (pemancaran sinar) ke dunia untuk semua bahagiannya, ukuran pemancarannya adalah sama. Dia begitu hairan. Dalam konteks dunia yang berkembang, ini berarti dunia kita berada di pusatnya. Hanya pada kali ini dalam bukunya, dia menyentuh sedikit mengenai Tuhan dan pemusatan ini berada dalam rancangan Tuhan.

Kita hanya mengetahui sedikit mengenai tubuh kita, contohnya bagaimana mekanisme otak dan sistem pertahanan tubuh kita berfungsi. Alkitab memberitahu kita bahawa tubuh kita diciptakan dengan indah dan ajaib apalagi cakrawala di sekeliling kita. Semuanya ini ciptaan Tuhan yang tercatat dalam Alkitab, dunia tercipta dari kekosongan hanya dengan sabda Tuhan. Siapakah yang memberi kita hak untuk mencabarnya atau hak mencabar Alkitab yang terbukti benar dalam banyak situasi?

Jika kita bersikap begitu, kita ibarat perpatah tiga sahabat buta yang mengatakan seluruh seekor gajah itu terdiri hanya daripada bahagian kecilnya sahaja.

Bagaimanakah kita manusia yang fana dapat memahami Tuhan yang kekal, tidak terbatas dan Maha Kuasa? *“Besarlah Tuhan dan amat terpuji, dan keagungan-Nya tidak terselami.”* (Mazmur 145:3). Santo Augustine berkata, “Kalau kita mengerti Tuhan, maka Dia bukan Tuhan. Semua pengertian dan kebenaran disebabkan oleh terang ilahi iaitu Tuhan sendiri.”

Kekuatan Rohani Daripada Kelemahan

Pertama kali saya menggunakan komputer dengan satu tiub panjang (tiub) yang dipasang di kepala saya, saya terpaksa mengambil 15 minit untuk menaip satu baris ayat. Saya menaip demi huruf, dengan menggunakan kepala saya yang dipasang dengan tiub itu. Tiub itu diperbuat dari besi yang tidak berkarat. Saya yang telah bertahun-tahun mendiamkan diri kini dapat mencurahkan fikiran saya yang terpendam dalam, puji Tuhan!

Saya sudah dijangkiti penyakit ini selama enam tahun tetapi saya mengucapkan syukur kepada Tuhan yang telah menjaga dan memberi kekuatan kepada saya. Saya begitu yakin dengan Yesaya 43:2, *“Apabila engkau menyeberangi air, Aku akan menyertai engkau, melalui sungai, engkau tidak akan dihanyutkan, apabila engkau melalui api, engkau tidak akan dihanguskan dan nyala api akan membakar engkau.”* Dalam 1 Kor.10:13, *“Sebab Allah setia dan kerana itu Dia tidak akan membiarkan kamu dicobai melampaui kekuatan kamu.”*

Salah seorang anggota persekutuan kami baru-baru ini mengambil keputusan untuk baptisan air setelah ragu-ragu selama beberapa tahun. Ternyata sesuatu yang telah saya katakan (atau bisikkan) pada pertemuan baru-baru ini telah menyebabkan dia berfikir. Saya membaca ayat daripada Yohanes 3:5 tentang Yesus memberitahu Nikodemus bahawa kecuali anda dilahirkan dalam Roh dan air, anda tidak boleh masuk dalam kerajaan Allah.

Salah seorang anggota persekutuan kami baru-baru ini mengambil keputusan untuk baptisan air setelah ragu-ragu selama beberapa tahun. Ternyata sesuatu yang telah saya katakan (atau bisikkan) pada pertemuan baru-baru ini telah menyebabkan dia berfikir. Saya membaca ayat daripada Yohanes 3:5 tentang Yesus memberitahu Nikodemus bahawa kecuali anda dilahirkan dalam Roh dan air, anda tidak boleh masuk dalam kerajaan Allah. Betapa ajaibnya jika seseorang dapat mendengar dan memahami saya dalam keadaan sedemikian, khususnya isu yang peka dalam Alkitab. Tetapi Tuhan telah menggunakan kelemahan saya untuk membawa kemuliaan dan kehormatan kepada-Nya.

Sekarang saya memahami apa yang dikatakan oleh Paulus ketika dia berkata, *“Apabila saya lemah, barulah saya menjadi kuat.”* Inilah salah satu contoh paradok baik orang Kristian yang dalam kelemahan mereka yang dapat menghasilkan kekuatan rohani bagi Tuhan. Dalam bab yang sama, Paulus telah mengulangi firman Kristus yang bersabda, *“Rahmatku cukup bagimu, kuasaku dijadikan sempurna dalam kelemahan.”*

Salah satu paradok terdapat pada 2 Kor.6:10 di mana Paulus menyebut dirinya, *“sebagai orang yang berdukacita, namun sentiasa bersukacita sebagai orang miskin, sentiasa memperkaya ramai orang, sekalipun sebagai orang yang tidak bermilik, kami memiliki segala sesuatu.”*

Apabila saya melihat keadaan diri saya sendiri yang tidak dapat berjalan atau bercakap mahupun mengangkat jari untuk menggaruk diri sendiri sewaktu terasa gatal digigit nyamuk dan tidak mampu berbuat apa-apa. Sekarang saya tidak mempunyai orang gaji, saya khuatir akan biaya rumah saya, dan segala perbelanjaan rumah tangga. Itu membuat saya sengsara. Tetapi saya bersyukur kepada Tuhan, saya telah mengalami

damai, kasih dan sukacita setelah saya mengalami kehadiran Tuhan dalam kehidupan saya.! *“Janganlah kamu khawatir akan apa-apa juga, tetapi dalam segala hal, nyatakanlah keinginanmu kepada Allah dalam doa dan permohonan dengan ucapan syukur. Damai sejahtera Allah, yang melampaui segala akal, akan memelihara hati dan fikiranmu dalam Kristus Yesus.”* (Filipi 4:6-7)



Terang-Nya Menyatakan Keindahan

Menuju ke Grand Canyon pada suatu tengah hari yang berawan dan bercuaca mendung, setelah kami memandu sepanjang pagi dari Phoenix, Arizona. Saya telah dipenuhi dengan kekaguman apabila saya melihat salah satu keajaiban dunia. Saya tidak kecewa memandangnya dari Arizona, memang itulah yang disebut oleh orang dan mungkin lebih indah lagi. Saya berasa begitu kecil dan merendahkan diri apabila saya menghayati keindahan alam yang ajaib. Tembok yang lurus itu tegak menjulang setinggi 7,000 kaki serta strata batu yang mendarat terlentang sepanjang hampir 15 batu. Untuk pengetahuan mereka yang suka menggembara, jalan yang tipis dari India menyusuri ke, melewati gua-gua lama, ada gua tertentu yang dihuni oleh orang Indian Navajo. Tetapi oleh sebab awan tebal, seluruh Kanyon menjadi agak kelabu-kelabuan dan agak kelam.

Tiba-tiba sinaran matahari menembusi sebuah lubang di awan dan menyinari satu bahagian tembok itu. Cahaya itu menampilkan ukiran yang halus, pembentukan batu ini dianyam oleh pelbagai warna merah, emas, kuning dan coklat. Ia kelihatan seakan-akan pelukis ilahi yang telah mengecat daerah itu dan melupakan kawasan yang lain. Setiap orang begitu tertarik dengan keindahan tempat itu sehingga tidak ada orang akan melihat batu itu dari jarak beberapa kaki jauh. Perbezaannya cukup menakjubkan, seseorang boleh terpesona oleh keindahan daerah itu dibandingkan dengan keabuan batu di sekelilingnya.

Perkara ini benar bagi kita juga. Walaupun kita memiliki semua kecantikan jasmani, orang biasanya tertarik dengan orang yang gembira, baik hati, mampu mengasihi dan tenang betapa pun tertekan perasaan mereka; dan akan menjauhi mereka yang bersikap negatif, suka mengomel-gomel dan suka mengatur orang. Apabila terang Kristus menyinari kehidupan kita, kita akan menyatakan kasih-Nya, kebaikan, kegembiraan, kesetiaan, damai dan penguasaan diri seperti batu yang berada di Grand Canyon. Apabila terang Kristus menyinari kita, kita akan menjadi lebih menarik kepada orang lain kerana kita melambang sifat Tuhan yang paling dalam. *“Demikian juga, hendaklah terangmu bercahaya di depan orang, supaya mereka melihat perbuatanmu yang baik dan memuliakan Bapamu yang di syurga.”* (Matius 5:16)



Takut Akan Tuhan

Apakah ertinya, “takut akan Tuhan?” Jika Tuhan itu kasih dan Bapa yang mengasihi kita, mengapakah kita harus takut akan Tuhan? Tambahan pula, apabila kita menerima Tuhan untuk pembenaran dosa, ini bererti kita didamaikan dengan Tuhan. Pembenaran termasuk penghapusan amarah Tuhan.

Perasaan saya agak terganggu apabila salah seorang anggota keluarga saya mengatakan, oleh kerana kasih Tuhan untuk kita begitu sempurna, kita tidak perlu takut akan Tuhan. Saya fikir agak bahayalah kalau kita hanya mengenal Tuhan yang berkuasa dan yang suci tetapi acuh terhadap hal takut akan Tuhan. Alangkah mudahnya kita kembali ke sikap memandang perkara ini dengan ringan sahaja. Lagu-lagu ibadah yang indah, pemberian sukacita, damai dan kuasa akan menarik seseorang untuk mempercayai Tuhan kita sebagai Bapa yang terlalu memanja-manjakan kita dan memberi kita kesenangan.

Percayalah saya tidak melawan orang seperti ini tetapi saya melawan ajaran mereka mengenai sifat Tuhan yang menyebabkan pandangan yang tidak seimbang dan mengelirukan sifat-Nya. Dialah Tuhan sama yang disebutkan dalam Keluaran 20:5, *“sebab Aku, Tuhan, Allahmu, adalah Allah yang cemburu, yang membalaskan kesalahan Bapa kepada anak-anak-Nya, kepada keturunan yang ketiga dan keempat daripada orang yang membenci aku.”* Tidak hairanlah penulis Ibrani mengumumkannya kepada mereka yang pernah percaya tetapi melakukan kemurtadan. Ngeri benar, kalau kita jatuh ke dalam tangan Tuhan yang hidup.

Tuhan itu Tuhan yang adil, Dia akan menghukum mereka yang sengaja berdosa terhadap-Nya. Semakin mereka diberkati semakin banyak diharapkan daripada mereka. Mari kita mengambil contoh daripada dua orang yang telah dipilih oleh Tuhan untuk peranan yang berbeza. Salah seorang daripada mereka ialah Musa yang dipilih oleh Tuhan untuk membimbing umat-Nya dari Mesir, seorang lagi ialah Saulus yang jika dibandingkan dengan orang lain jauh lebih baik dan berkenan kepada Tuhan. Apakah reaksi mereka ketika mereka berhadapan dengan firman Tuhan?

Musa

Dalam Keluaran 4: 2-8, kita telah membaca bagaimana Tuhan mengutus Musa ke Mesir. Dia telah melakukan dua mukjizat untuk menggalakkannya; Tuhan menukarkan tongkatnya menjadi ular kemudian menyebabkan tangannya dijangkiti kusta dan disembuhkan kembali. Kuasa apakah yang dinyatakan oleh Tuhan kepada Musa? Namun dalam ayat 24, Tuhan ingin membunuh Musa. Kenapa? Kepekaan dan campurtangan isterinya telah menyelamatkan sejarah. Kenapakah Tuhan memilih Musa dan pada suatu babak peristiwa pula ingin merosakkannya dan membunuh Musa, pelaksana rancangan-Nya?

Alasannya ialah dosa Musa yang tidak menyunatkan anaknya. Bagi Tuhan, menghadapi dosa Musa itu lebih penting daripada pembebasan Israel dan itu alasan yang sangat baik juga. Sebelum Musa dapat digunakan oleh Tuhan, dia harus dibersihkan oleh Tuhan dengan menyeluruh. Tuhan kita suci dan Dia menuntut agar kita taat kepada hukum suci-Nya sebelum Dia boleh menggunakan kita dengan berkesan.

Kemudian dalam Bilangan 20, kita membaca sebabnya Tuhan melarang Musa masuk ke tanah perjanjian, satu-satunya tujuan pengutusannya selama empat puluh tahun. Tuhan mengarahkan Musa untuk memerintahkan batu di Meribah agar mencurahkan air tetapi Musa dengan alasannya sendiri telah memukul batu itu dengan tongkatnya. Air pun keluar seperti yang diinginkan tetapi dengan tidak diperkenan Tuhan. Akhirnya Musa hanya dibenarkan untuk melihat tanah perjanjian dari jauh dan tidak boleh menginjak kaki ke sana.

Adakah Tuhan terlalu keras terhadap teman-Nya, Musa, yang bukan hanya hamba-Nya yang setia tetapi juga orang yang paling rendah hati di dunia? Mengapakah antara memerintah batu dan memukul batu itu merupakan perbezaan yang begitu penting? Mukjizat air yang memancut dari batu dilakukan dengan keras dan pelajaran itu dapat difahami oleh orang Israel. Adakah Tuhan terlalu keras?

Saya dapat mempelajari dari pengalaman Musa bahawa Tuhan menganggap dosa itu lebih serius daripada ukuran dunia. Dalam Yesaya 55:8-9, Tuhan berkata, *“sebab rancangan-Ku bukanlah rancanganmu, dan jalanmu bukanlah jalan-Ku, demikianlah firman Tuhan, seperti tingginya langit dari bumi, demikianlah jalanku dan jalanmu dan rancangan-Ku dari rancanganmu.”* Ini mempunyai kesan yang dapat membatasi tingkah laku saya dalam persekutuan saya dengan Tuhan. Mereka yang ingin digunakan oleh Tuhan harus disiapkan untuk tuntutan yang lebih besar dan ketat demi kesucian dan ketaatan.

Saulus

Saulus dipilih oleh Tuhan dan melayani sebagai pahlawan raja Israel selama 32 tahun. Tetapi seperti biasa, dia dibinasakan oleh kejayaan kerana menjadi angkuh. Dia mulai meragukan dan melalaikan bimbingan Tuhan. Sebelum berperang dengan Filistin, dia tidak sabar menunggu Samuel dan telah mempersembahkan korban padahal dia mengetahui bahawa hanya imam dibenarkan untuk melakukannya (I Sam. 13). Apabila Samuel menanyakan kenapa, dia menuduh bahawa orang lain telah memisahkan diri mereka daripadanya maka dia perlu untuk menyerang dengan segera. Sejak hari itu, Tuhan telah menolak Saulus dan berjanji akan mencari pengantinya.

Saulus telah menggunakan kebijaksanaan sendiri, tidak menurut bimbingan khusus daripada Tuhan sewaktu berperang dengan orang Amalekites (1 Sam. 15). Tuhan membimbing Saulus untuk menghancurkan segala sesuatu tetapi Saulus mengambil semula kerbau dan domba atas alasan mahu dijadikan bahan korban dan raja Amalekites sebagai banduan. Apabila ditanyakan oleh Samuel, Saulus menuduh umat Tuhan mengambil kerbau dan domba sementara dia sudah menurut Tuhan (ayat 20). Samuel berkata dalam ayat 23, *“sebab penderhakaan adalah sama seperti dosa bertenung, dan kedegilan diibaratkan seperti menyembah berhala dan terafim.”* Samuel menjelaskan, *“Kau telah menolak firman Tuhan dan Tuhan telah menolak kau sebagai Raja Israel.”* Sekalipun Saulus telah memenangi perang yang hebat, dia kehilangan nyawanya kerana menentang firman Tuhan.

Bagi Musa pula, masalah kerana memukul batu dan bukan melalui ucapannya, dan Saulus pula, telah menyelamatkan sedangkan seharusnya dia membunuh. Anda boleh berkata itu kelihatan seperti tidak menjadi masalah. Tak kisahlah kalau

kita berbuat sedikit untuk bercanggah dengan Tuhan, penipuan kita dalam perniagaan, membeli barang yang mahal dan yang mewah, berseronok dengan bacaan kotor, memandu walaupun terlalu banyak minum, mengantuk pada waktu ibadah, berpesta pora dan bergurau senda dengan tidak senonoh pada waktu keramaian. Alangkah mudahnya, kita bercanggah sedikit di sana sini, lama kelamaan kita tidak dapat kembali ke asalnya.

Bab pembukaan dalam kitab Amsal berkata, *“Takut akan Tuhan itu permulaan pengetahuan.”* Di ayat ini, Sulaiman orang yang paling bijak di dunia sedang menyatakan rahsia kebijaksanaannya. Bagaimanakah takut akan Tuhan dapat membawa kebijaksanaan? Adakah itu bermakna kita perlu selalu merasa takut setiap kali nama Tuhan disebutkan? Hanya mereka yang sengaja berdosa seperti Adam di taman Eden yang perlu takut. Kami yang telah tertebus dosa dapat merasa kemuliaan dan hadirat Tuhan.

Penulis dalam Mazmur 128 menjelaskan apa yang akan terjadi apabila seseorang takut akan Tuhan: *“Berbahagialah setiap orang yang takut akan Tuhan, yang hidup menurut jalan yang ditunjukkan-Nya! Apabila engkau memakan hasil jerih payah tanganmu, berbahagia engkau dan baiklah keadaanmu! Isterimu akan menjadi seperti pohon anggur yang subur, anak-anakmu seperti tunas pohon zaitun sekeliling mejamu! Sesungguhnya demikianlah orang yang takut akan Tuhan diberkati”* (Mazmur 128:1-4).

Dalam Mazmur 103:11 kita membaca, *“tetapi setinggi langit di atas bumi, demikian besarnya kasih setia-Nya atas orang yang takut akan Dia.”*

Dalam Mazmur 34:7, *“Orang yang tertindas itu berseru, dan Tuhan mendengar, Dia menyelamatkan dia dari segala kesesakannya.”*

Jadi takut akan Tuhan tidak hanya akan membawa kebijaksanaan, tetapi juga berkat dan kelepasan.

Bagaimana kita harus takut akan Tuhan? Ia bukanlah keadaan emosional takut yang penuh dengan perasaan tidak percaya, kebencian dan keraguan, tetapi sesuatu tingkah laku yang sengaja, menyerah diri sendiri untuk memelihara firman Tuhan dan untuk hidup dalam setiap firman Tuhan yang keluar daripada mulut Tuhan. Takut akan Tuhan itu merupakan ungkapan kasih dan hormat kepada Tuhan yang Maha Kuasa dan suci, dengan menyerahkan diri dan taat kepada-Nya. Setelah kita menanggapi kebenaran, Dia akan menyucikan kita dan membawa kebijaksanaan dan berkat.



Bergelut Dengan Tuhan

Seseorang pernah menyebut dengan berkesan bahawa kutukan agama terletak pada usaha manusia untuk memegang Tuhan dalam kelemahannya dan bukan kekuatannya. Apabila seseorang mengalami masalah, kecenderungan alamiahnya ialah mendekati Tuhan dengan mengalah dan iman yang tidak giat. Tangan kita longlai dan kita tidak lagi memohon kepada Tuhan.

“Bergelut dengan Tuhan” itu konsep alkitabiahkah? Bagaimanakah dengan kehendak Tuhan? Kita akan melihat empat tokoh yang bergelut dalam Alkitab untuk melihat bagaimana ketabahan mereka disanjung oleh Tuhan.

Abram

Dalam Kej.18, kita membaca bagaimana Tuhan mahu membinasa Sodom dan Gomora kerana dosa mereka yang keji. Abram tidak gembira dan mahu bertemu dengan Tuhan. Dia bertanya sama ada Tuhan akan membinasakan kota itu jika terdapat lima puluh orang benar di sana. Tentu saja, Tuhan dalam keadilan-Nya perlu mengatakan tidak, kerana kalau dia tidak berbuat demikian, Dia akan melawan sifat-Nya.

Abram merayu dan menanyakan sama ada Tuhan akan membinasa kota itu jika hanya terdapat 45 orang yang benar. Sekali lagi, Tuhan menghulurkan belas kasihan-Nya

lagi. Abram tahu bahawa Tuhan mempunyai belas kasihan, oleh sebab itu dia terus mencari rahmat Tuhan untuk Sodom dan Gomora. Sehingga dia terus memohon sebanyak empat kali, agar Tuhan mengurangi bilangan itu ke 40, kemudian 30, 20, akhirnya hanya 10 orang.

Yakub

Yakub hanya satu-satunya daripada empat orang yang bergelut secara jasmani dengan Tuhan dan bukan bergelut dengan kehendak Tuhan. Yakub telah dengan licik menipu hak lahir Esau. Sekarang dia menggigil dengan ketakutan apabila mempelajari bahawa Esau mengancam akan membunuh dia, dan sedang memburunya dengan 400 orang. Berdasarkan latar belakang ini, Yakub bertemu dengan Tuhan. Kej. 32: 22-32 menggambarkan kesungguhan hatinya sewaktu bergelut dengan seseorang sepanjang malam, tidak rela melepaskannya sehingga orang itu memberkati dia. Yakub menang dan Tuhan memberkati dia dan menukar namanya kepada Israel.

Musa

Musa telah meluangkan 40 hari dan malam menerima Sepuluh Hukum di Gunung Sinai apabila Tuhan memberitahu dia bahawa Dia akan membinasa seluruh bangsa Israel kerana dosa yang telah dilakukan oleh mereka sewaktu Musa tidak ada. Ulangan 9 menggambarkan bagaimana Tuhan rela mulai pekerjaan-Nya dari kekosongan untuk membangun negara itu semula daripada Musa. Bayangkan betapa berlainannya sejarah jika Tuhan dibiarkan mengambil jalan-Nya sendiri. Tetapi Musa merebahkan dirinya di depan Tuhan dan berpuasa selama 40 hari dan 40 malam. Dia berpendapat bahawa

jika Tuhan menghancurkan Israel, negara-negara lain akan mencaci dan berkata bahawa Tuhan hanya membawa Israel dari Mesir untuk membinasakan mereka di padang gurun. Tuhan yang cemburu demi nama-Nya yang suci, menghulurkan belas kasihan-Nya dan mengabulkan permintaan Musa.

Hezekia

Hezekia adalah raja Yehuda pada waktu Israel diserang oleh Asyur. Dia merupakan seorang raja yang baik dan setia kepada Tuhan. Pada suatu hari, Tuhan memberitahu dia agar mempersiapkan dirinya kerana dia akan mati. Hezekia begitu sedih tetapi dia tidak kecewa. Dia mengambil keputusan mencari Tuhan yang dikenalnya berbelas kasihan dan penuh kasih sayang.

Dalam 2 Raja-Raja 20, kita membaca bahawa Hezekia menangis dengan pahit, menghadap tembok, dia memohon dengan sungguh-sungguh kepada Tuhan. Dia mengingatkan Tuhan akan kasih setianya sebagai raja, kebbaikannya pada masa lampau dan betapa banyak yang dilakukannya untuk Tuhan. Dia meminta dengan agak mendesak untuk rahmat Tuhan dan Tuhan menghulurkan belas kasihan-Nya. Dia mengutus Yesaya untuk memberitahu dia bahawa dia akan disembuh dalam tiga hari, dia harus beribadah di bait suci dan 15 tahun akan ditambahkan kepada hidupnya.

Tuhan mengabulkan permintaannya dan bayangan maut telah diundurkan 10 langkah ke belakang yang sebenarnya mengundurkan pemutaran dunia untuk jangka waktu itu.

Semua orang di atas adalah contoh orang tegas yang tidak rela menerima keputusan yang tertentu daripada Tuhan.

Mereka bertekad dan melangkah dengan iman dan sungguh-sungguh memohon rahmat Tuhan agar mengubah keputusan itu. Daripada empat contoh ini, kita melihat bahawa dua orang bergelut dengan Tuhan demi orang lain dan dua yang lain demi kepentingan peribadi. Rahsia kemenangan itu tidak terletak pada tujuannya. Ia tidak kisah sama ada kita bergelut untuk orang lain atau diri kita sendiri. Kemenangan bergantung pada apa? Jika kita menyelidiki keempat-empat tokoh ini dengan teliti, mereka seakan-akan mempunyai sifat sama yang menyebabkan mereka mudah ke hadirat Tuhan. Ini membimbing kita membuat kesimpulan bahawa kemenangan itu tergantung pada orang yang terlibat. Sifat apakah yang diperlukan untuk kemenangan?

1. Orang ini mengenal Tuhan secara peribadi dan dikenali oleh Tuhan. Tuhan bersabda kepada Abram dan Musa dengan bersemuka. Walaupun masa lalu mereka agak keruh, Yakub bertaubat di Bethel dan imannya berkembang secara progresif yang menyebabkan pertukaran namanya dan yang mendatangkan berkat. Hezekia harus menyenangkan Tuhan kerana raja yang baik pada waktu itu jarang ada; Tuhan terpaksa memberi amaran mengenai maut yang mendekat.
2. Mereka mengenal sifat Tuhan secara intim dan oleh sebab itu dapat memohon menurut sifat itu. Abram menuntut keadilan Tuhan agar Dia menurunkan jumlah orang yang benar daripada 50 orang hingga kepada 10 orang. Yakub percaya kepada kesetiaan Tuhan terhadap perjanjian-Nya kepada Ishak dan Abram dan memegang Tuhan dengan kuat. Musa mengetahui bahawa Tuhan begitu cemburu bagi nama-Nya dan oleh sebab itu memenangi penangguhan hukuman Tuhan terhadap negara Israel. Hezekia memohon rahmat Tuhan demi untuk memperoleh penyembuhan.


3. Semua orang ini mempunyai sifat ketegasan yang sungguh-sungguh. Mereka digalakkan oleh iman yang aktif pada kasih dan kebaikan Tuhan serta rahmat-Nya. Orang ini tidak mengalah dengan mudah tetapi bergelut dengan Tuhan secara aktif demi orang lain. Sifat-sifat ini merupakan sifat inti seorang pemohon dan pahlawan doa.

Kesimpulan

Pada waktu yang tertentu dalam kehidupan kita, Tuhan seperti tidak menjawab doa kita, walaupun sudah suatu jangka waktu. Adakah ini bererti jalan keluarnya hanya berdiam diri atau menerimanya sebagai penolakan daripada Tuhan ataupun kehendak-Nya. Begitukah? Kita harus berdoa agar Tuhan memberi kita kebijaksanaan untuk mengetahui sama ada ini disebabkan oleh kekurangan ketekunan kita. Jangan hanya mahu berpasrah sahaja tetapi memegang ketat kepada perjanjian Tuhan dengan aktif dan bukan pasif. Dengan doa yang lebih lama, baru kita akan mendapat jawapan-Nya.

Bergelut dengan Tuhan tentu dapat membawa seseorang lebih dekat dengan kehadiran Tuhan, mengalami kekuatan Tuhan dan memberi isi untuk doa yang lebih berkuasa. Sepanjang enam tahun menderita, saya telah berdoa dengan sungguh-sungguh dan telah menerima doa orang yang mengasihi saya. Walaupun saya telah kehilangan kesanggupan menggunakan tangan dan suara saya, saya berterima kasih kepada Tuhan, kemerosotan ini tidak terlalu cepat dan keadaan saya bertambah semakin stabil. Saya mengambil keputusan untuk bergelut dengan Tuhan yang rahmani dengan lebih sungguh-sungguh dan memegang kepada-Nya dengan lebih kuat tanpa membiarkan Dia pergi, sehingga Dia menyentuh penyakit saya dan menyembuh saya. Amin.

“Dengarkanlah seruanku, ya Allah; perhatikanlah doaku! Dari hujung bumi aku berseru kepada-Mu, kerana hatiku lemah lesu; tuntunlah aku ke gunung batu yang lebih tinggi daripada aku” (Mazmur 61:2-3).



Kerohanian Yang Sejati

Kesejatian rohani itu apa? Kenapakah kehidupan kita kelihatan begitu tidak berkesan dan kekurangan kuasa rohani seperti yang kita baca dalam Alkitab? Kenapakah apabila kita mendoakan orang yang sakit, tidak ada sesuatu yang terjadi? Kita menghibur diri sendiri dengan memberi alasan bahawa itu mungkin bukan kehendak Tuhan untuk menyembuh kita atau pesakit itu tidak mempunyai cukup iman untuk penyembuhan. Andrew Murray, pendoa yang hebat, percaya bahawa selagi orang sakit itu membenarkan dia untuk didoakan, masih ada iman sebesar “biji sesawi” yang cukup untuk penyembuhan.

Jadi, apakah kesalahan kita? Ini pertanyaan yang sulit, sifat kita yang berdosa dan terbatas tidak dapat memahaminya. Perkara yang sama juga terjadi pada perkara lain dalam doa; penyelamatan orang yang kita kasihi yang masih tertutup kepada injil; penyatuan gereja di tengah-tengah konflik. Bagaimanakah doa kita dapat menjadi lebih berkesan? Kita harus ingat bahawa memang ada banyak faktor yang menyebabkan tidak ada penyembuhan. Mari kita melihat kerohanian murni yang membawa keberkesanan dalam doa pemohonnya. Kita dapat belajar lebih banyak rahsia rohani dengan melihat kehidupan dua hamba Tuhan yang hebat pada akhir-akhir ini.

Dalam buku Puan Howard Taylor yang berjudul, “*Pastor Hsi*,” dia telah menjelaskan kuasa rohani yang menguasai orang yang hebat ini, yang telah membasmi dan memenangi perang melawan penagihan dadah yang meragut berjutaan jiwa di negara China pada akhir abad ke-19.

Sebelumnya Pastor Hsi merupakan seorang Cina yang berkuasa mutlak dan yang angkuh di bahagian tengah utara Cina. Puan Taylor menjelaskan bagaimana Tuhan menyelamatkan orang ini daripada penagihan candu yang tidak dapat disembuh kemudian menggunakan dia untuk mendirikan rumah pemulihan di seluruh negara China untuk menyembuh penagih candu ini dan membawa mereka ke kerajaan Tuhan.

Dia menjelaskan peristiwa di mana Pastor Hsi diminta untuk melayani orang yang dirasuk iblis yang kebetulan pada waktu itu menghadiri persidangan Pastor Hsi. Pada suatu waktu, orang itu begitu liar sehingga orang diperlukan untuk memegangnya. Namun apabila Pastor Hsi muncul, iblis itu berdiam-diam diri dan bertingkah laku biasa-biasa. Pastor Hsi menumpangkan tangannya atas kepalanya dan mendoakannya. Situasi menjadi tenang dan semua orang berfikir dia sudah disembuh. Tetapi tidak sedemikian dan pada kali yang kedua perkara itu tidak semudah itu.

Seorang misionari yang menyaksikan seluruh peristiwa begitu mengagumi kuasa Tuhan melalui Hsi sehingga dia memberi Pastor Hsi sejumlah wang besar. Pastor Hsi begitu hairan dan tidak mempertimbangkan lebih lanjut, dia menerima pemberiannya sehingga kebesaran pemberian itu merunsingkan dia sehingga dia meninggalkan wang itu bersama dengan isterinya lalu pergi ke tempat sunyi untuk berdoa.

Apabila dia mulai berdoa, dia menerima panggilan mendesak untuk kembali kepada orang yang dirasuk lagi, kali ini dengan lebih teruk lagi. Dia tidak dapat dikuasai dan menjadi sangat liar, tidak ada sesuatu yang dapat dilakukan untuk mengawal dia.

Kali ini apabila Pastor Hsi berusaha mendekatinya, iblis menunding tangan kepadanya dan berkata dia tidak takut akan dia. Hsi merasa lemah secara rohani, dia mengetahui bahawa dengan menerima pemberian itu, dia akan kehilangan kuasa rohaninya. Dia mengembalikan wang itu kepada pemberinya dan menerima urapannya semula. Dengan itu, dia tidak mengalami apa-apa kesulitan untuk menghalau iblis daripada orang itu.

Pada waktu yang sama, di Wales, Tuhan sedang menggerakkan seorang lagi untuk pelayanan kebangunan rohani di Welsh. Dalam buku Ree Howells yang berjudul, *“Intercessor,”* Norman Grubb menjelaskan bagaimana Tuhan mengambil seorang penggali arang yang sederhana untuk kebangunan rohani di Welsh. Dia menjelaskan bagaimana Tuhan menanggalkan semua kebergantungan Ree Howells pada dirinya sendiri dan melenyapkan kasih untuk diri sendiri. Ujian terakhir terjadi apabila Tuhan memanggil Ree ke Afrika Selatan, sebuah tempat yang liar dan bahaya. Ree menerima panggilan itu tetapi Tuhan menuntut lebih banyak lagi. Tuhan ingin Ree tinggalkan anak tunggalnya yang baru lahir supaya dia dapat pergi dan memutuskan tali perikatan dengan bayi itu. Tuhan memberitahu Ree mengenai tuntutan sama yang diharapkan daripada Ibrahim untuk Ishak. Ree merenunginya dengan mendalam, dia pernah membaca bagaimana Yesus menentang mereka yang meletakkan tangan pada bajak dan kemudian berpaling daripadanya, tetapi betapa sakitnya seandainya peristiwa ini terjadi pada dirinya. Akhirnya, Ree menyerahkan anak itu kepada Tuhan setelah menamai anaknya Samuel.

Tindakan yang terakhir ini memampukan Tuhan menggunakan Ree dengan hebat di Wales. Akibat berdoa berjam-jam dengan berlutut, dia mampu membangun gereja, sebuah sekolah Alkitab, hospital dan rumah anak yatim dari wang yang disediakan oleh Tuhan secara maksimum setelah

dia menanggalkan dirinya sendiri. Yang jelas dalam kehidupan kedua-dua hamba Tuhan ini ialah mereka berdua telah mencapai kerohanian murni dengan kuasa-Nya. Mereka telah bergelut dengan setia untuk menyangkal diri demi beriman kepada Kristus. Tuhan telah memenuhi mereka dengan kuasa Roh Kudus.

Maka kerohanian mempunyai relasi dengan kasih untuk diri sendiri. Jika melambangkan kerohanian kita dengan dua sisi yang tegak dari sebuah segi empat, kita akan melihat perhubungannya dalam diagram. Contohnya jika kita cuba menghubungi dari paksi O ke tengah-tengah segi empat itu dan diperpanjangkan lagi, ia akan menyentuh 100 untuk diri sendiri. Dengan lain perkataan, seorang manusia yang hanya mementingkan diri sendiri itu sebenarnya dia seseorang yang tidak rohani. Sebaliknya jika kita menghubungi kerohanian 100 ke pusat empat segi itu dan menyentuh paksi O itu. Itu berarti seseorang yang sungguh-sungguh rohani itu tidak akan mementingkan diri sendiri.

Walaupun kita tidak mungkin membebaskan diri daripada kehidupan di dunia, Tuhan menggunakan kesusahan untuk membersihkan kita daripada segala yang tidak rohani. Alkitab mengajar bahawa kita hanya ada kuasa jika kita hidup dalam roh tetapi mati dalam daging dan supaya Tuhan dalam rahmat-Nya akan meyakinkan kita akan dosa seperti Yesaya dan Yehezkiel, atau seperti Ayub, kita dapat berkata, *“Hanya dari kata orang saja aku mendengar tentang Engkau, tetapi sekarang mataku sendiri memandang Engkau. Oleh sebab itu aku mencabut perkataanku dan dengan menyesal aku duduk dalam debu dan abu,”* (Ayub 42:5,6).

“Marilah kita mengenal dan berusaha sungguh-sungguh untuk mengenal Tuhan; Dia akan muncul seperti fajar; Dia akan datang seperti hujan; seperti hujan akhir musim yang mengairi bumi” (Hosea 6:3)

Roh Dalam Kita

Salah satu pengalaman yang sangat ngeri terjadi kepada saya sewaktu saya masih kecil, sewaktu ibu saya membawa saya ke kuil untuk berjumpa dengan *tanke* (medium) di sana. Rumah kuil yang penuh dengan asap dan beratusan colok (*joss-sticks*), kelihatan seorang pemuda duduk tidak bermaya, kepalanya terlentang di meja di hadapan mazbah yang penuh dengan berhala pelbagai saiz dan bentuk. Di sana juga seorang lelaki sering memukul drum menurut irama-toom, toom, diikuti oleh bunyi canang yang dimainkan oleh budak kecil yang begitu senang dengan bunyinya. Muziknya berterusan -toom, toom, chiang, chiang, toom, toom, chiang.

Sebentar setelah itu, *tanke* itu berada dalam keadaan tidak sedar diri. Saya perhatikan bahawa dia sedang bercakap dalam bahasa yang aneh seakan-akan dia sedang menyanyi. Oleh kerana penontonnya tidak memahami apa yang dikatakannya, seorang penolong hadir untuk memberi penterjemahannya.

Dalam konteks masyarakat Kristian, apabila saya melihat seseorang berbahasa lidah atau mengumumkan nubuat daripada Tuhan, saya teringat pengalaman saya sewaktu saya masih kecil. Walaupun *tanke* itu berbahasa lidah, dia mempunyai kuasa penyembuhan dan kemampuan bernubuat untuk masa depan, dia bukanlah Roh Kudus. Bagaimanakah kita tahu roh manakah yang berada di dalam kita setiap kali kita berbahasa lidah atau menyampaikan kata-kata pengetahuan.

Walaupun *tanke* itu berbahasa lidah, dia mempunyai kuasa penyembuhan dan kemampuan bernubuat untuk masa depan, kuasanya bukanlah daripada Roh Kudus. Bagaimanakah kita tahu roh manakah yang berada di dalam kita setiap kali kita berbahasa lidah atau menyampaikan kata-kata pengetahuan.

Dalam Yohanes 15, Yesus menjelaskan bahawa Roh Kudus adalah roh benar yang diutus oleh Bapa demi kebaikan kita semua. Paulus dalam 1 Kor.12 menjelaskan bahawa walaupun Roh Kudus akan membawa kasih, sukacita, damai, kesabaran, kemurahan hati, kebaikan, kesetiaan, lemah lembut dan penguasaan diri (Gal. 5:22,23). Jadi jika kita menyatakan kurnia ini dengan penuh kuasa dan tidak mampu bekerja di bawah kuasa gereja Kristus, kita harus menguji diri sendiri.

Ujian yang paling penting ialah mampukah roh itu mengakui Kristus sebagai Tuhan? Cerita seorang gembala di Amerika Selatan dapat diulangi. Sewaktu mengunjungi sebuah kampung yang penuh dengan orang yang baru percaya, dia menemui seseorang yang berbahasa lidah dan hampir mengganggu seluruh kebaktian. Setelah dia tidak berjaya mencegah dia beberapa kali, pendeta itu memutuskan untuk mencabar roh itu. Dia bertanya adakah roh itu percaya bahawa Yesus itu Tuhan dan diutus oleh Tuhan. Jawapan itu benar tetapi ayat itu diulangi dalam nada sinis dengan menyanyi. Pendeta itu mencurigai dan memutuskan untuk mengulangi pertanyaannya beberapa kali. Roh itu menjadi marah dan mulai mengutuk serta menyatakan sifat sebenarnya. Pendeta itu kemudian mengusir roh itu dalam nama Tuhan Yesus.

Inilah ujian yang terdapat dalam 1 Yohanes 4:2. Jika roh boleh memuji dan memuliakan Tuhan Yesus dan mengakui Dia daripada Tuhan, kita boleh bertenang. Hanya Roh Kudus

dapat memberi kemuliaan kepada Yesus dan bukan Diri-Nya sendiri.

“Roh Kudus tidak pernah bersaksi secara berlawanan tentang Kristus tetapi Roh Kudus selalu berproklamasi tentang Kristus yang disalibkan, mati dan dikuburkan, dan naik dan kini berada di tangan kanan yang Maha Tinggi di tempat yang tinggi.” (A.W.Tozer, On the Holy Spirit)



Tuhan Anda Terlalu Kecil

Mendiang ayah saya seorang yang lemah lembut, jiwanya berbahagia. Saya hanya menyesal dia tidak mengenal Tuhan dan menjelang akhir hidupnya, dia begitu giat dalam agama Buddha. Saya seorang Kristian muda pada waktu itu, dia tidak menentang iman saya malah agak terbuka kepadanya. Kami sering berbincang mengenai iman kami dan suatu hari dia mengatakan sesuatu yang tidak akan saya lupa. Dia berkata, “Dalam Alkitab anda tertulis mengenai Tuhan yang cemburu dan marah. Bagaimana mungkinkah anda menyembah Tuhan yang begitu marah dan cemburu? Tuhan anda terlalu kecil.”

Bagi seorang penganut agama Buddha, emosi mencetus keinginan dan keinginan mencetuskan kejahatan. Seorang manusia harus membersihkan diri daripada semua keinginan supaya dapat mencapai *nirvana*, yang memakan waktu lebih lama daripada riwayat hidup kita. Menurut seorang yang beragama Buddha, tidak ada Tuhan yang telah mencapai *nirvana*, atau kesempurnaannya boleh tunjukkan keinginan seperti kecemburuan dan kemarahan yang begitu besar seperti dalam Alkitab. Itulah ertinya, “Tuhan anda terlalu kecil. Bagaimanakah kita menjawab pertanyaan seperti ini?

Jika emosi kita seperti kecemburuan dan kemarahan tidak baik bagi manusia yang fana, bagaimanakah Tuhan kita menunjukkannya dengan begitu sering dalam Alkitab seperti yang dikatakannya. Itulah ertinya Tuhan anda terlalu kecil.

Kecemburuan Tuhan

Kecemburuan Tuhan itu dinyatakan dalam dua cara yang khusus dalam Perjanjian Lama:

1. Tuhan cemburu demi nama-Nya.

Perintah kedua yang diberikan oleh Tuhan kepada Israel melalui Musa, *“Aku, Tuhan, Allahmu, adalah Allah yang cemburu”* Keluaran 20:5 dan Yeh. 39:25, *“Cemburu Ku timbul untuk mempertahankan nama-Ku yang kudus.”* Tuhan juga bersabda kepada Musa dalam Keluaran 34:14, *“Tuhan, yang nama-Nya cemburuan, adalah Allah yang cemburu.”* Tuhan bersabda dalam Yesaya 42:8, *“Aku ini Tuhan, itulah nama-Ku; Aku tidak akan memberi kemuliaan-Ku kepada yang lain atau kemasyhuran-Ku kepada patung.”*

2. Tuhan begitu cemburu untuk umat-Nya.

Perjanjian Lama melambangkan Tuhan sebagai suami dan Israel sebagai pengantin dalam suatu perhubungan perkahwinan, mewakili perjanjian yang dibuat oleh Tuhan dengan umat-Nya, Israel. Apabila umat Israel berpaling daripada Dia untuk menjalin perhubungan dengan berhala dan dewa-dewa yang lain, Tuhan melihatnya sebagai “perzinaan rohani” dan berasa cemburu. Yehezkiel 8:3 mendefinisi berhala yang disembah oleh umat Tuhan sebagai, *“berhala cemburuan, yang menimbulkan cemburu itu.”*

Dalam Yehezkiel 16, Tuhan melambang Israel sebagai isteri curang yang terlibat dalam penyembahan berhala dari Kanaan, Mesir dan Asyur. Dalam ayat 38, Tuhan bersabda, *“Aku akan menghakimi engkau seperti orang menghakimi perempuan yang berzina dan yang menumpahkan darah dan*

Aku akan melampiaskan atasmu murka dan cemburu-Ku.”

Murka Tuhan

Alkitab berbincang mengenai murka Tuhan sebanyak kasih Tuhan. Ini juga suatu aspek sifat Tuhan yang sangat penting. Dalam Alkitab, amarah Tuhan mempunyai dua sifat.

1. Murka Tuhan Itu Adil

Bila Tuhan memberi hukum kepada Israel melalui Musa, Dia juga memberi hukuman-Nya jika kita tidak menurutnya. Murka Tuhan boleh dibanding dengan kemarahan seorang hakim yang memberi pengadilan yang adil. Tuhan itu adil dan saksama dalam sifat-Nya. Dia tidak boleh memperlakukan mereka yang tidak memelihara hukum sama dengan mereka yang melanggar hukum. Paulus menulis dalam Rom. 2:5 bahawa akan terjadi, “hari murka dan hukuman Allah yang adil akan dinyatakan. Dia akan membalas setiap orang menurut perbuatannya.”

2. Murka Tuhan Itu Suatu Pilihan

Manusia dikuasai oleh pilihan bebas yang didasarkan pada hukum Tuhan; dia bebas menerima hukum Tuhan atau menolaknya dengan padah yang tertentu. Murka Tuhan tidak berdasarkan pada keputusan sebelah pihak sahaja, tetapi tindakan Tuhan yang adil akibat perbuatan manusia yang sengaja dan degil. *“Dan ini penghukuman bahawa terang telah datang ke dunia ini, dan manusia mencintai kegelapan kerana perbuatan mereka yang jahat”* (Yohanes 3:19).

Kesimpulan

Dari Alkitab, kita melihat bahawa tindakan Tuhan dikuasai oleh ukuran dan motivasi yang lebih tinggi. Contohnya, kecemburuan dan murka; Tuhan begitu cemburu melindungi nama-Nya yang suci dan kasih-Nya akan umat-Nya. Kasih ini dikawal dengan cemburu sehingga Dia mengutus anak-Nya untuk mati bagi mereka. Kecemburuan ini pernyataan kasih Tuhan yang begitu mendalam dan sempurna. Oleh sebab Tuhan itu adil dan saksama, Dia menghukum mereka yang memberontak dan yang sengaja melawan hukum. Jika Dia tidak melakukan demikian ini berarti Dia tidak adil, pilih kasih, lemah dan tidak bersifat benar, suatu sifat yang tidak sesuai dengan sifat Tuhan.

Kenapakah kita memberontak dengan tidak gembira apabila kita mengatakan bahawa Tuhan kita cemburu dan marah. Ini disebabkan kita sedang menggunakan perkataan yang diwarnai oleh kehidupan kita yang terbatas dan yang berdosa untuk melukiskan Tuhan yang sempurna dan tidak terbatas. Proses ini dinamai sebagai *anthropomorphism*. Perkataan seperti kecemburuan dan kemarahan membawa konotasi seperti kebencian, hawa nafsu, ketamakan dan kekejaman. Jadi apabila ayah saya menggunakan perkataan seperti “kecemburuan” dan “kemarahan” konotasi ini salah ditafsirnya.

Satu contoh lagi ialah perkataan “kasih.” Jika kita memikirkan kasih Tuhan secara *anthropomorphism*, kita menggambarkan dengan seks, hawa nafsu dan ketamakan oleh sebab sifat kita yang berdosa dan semua itu tidak ada pada Tuhan yang tidak berdosa. Kita tahu kasih Tuhan, *Agape*, tidak seperti itu.

Sementara murka Tuhan itu tidak hanya sepihak sahaja tetapi akibat pilihan manusia, rahmat Tuhan itu pilihan Tuhan. *“Sebab Dia berfirman kepada Musa: “Aku akan menaruh belas kasihan kepada siapa yang aku mahu menaruh belas kasihan dan Aku akan bermurah hati kepada siapa yang mahu bermurah hati”* (Rom 9:15-16).

Sewaktu mempelajari perkara ini, kita boleh digalakkan dan dikuatkan sehingga kita mendapati kasih Tuhan yang tidak terbatas bagi kita dan keadilan-Nya sesungguhnya inti di sebalik perkataan kecemburuan dan murka.

“Dia mencintai kebenaran dan keadilan; Bumi penuh dengan kasih setia Tuhan.” (Mazmur 33:5)



Kerenah Tidak Baik Terhadap Yang Cacat

Untuk mengatakan setiap orang mempunyai pengaruh ke atas orang lain cuma satu perpatah. Tetapi orang sakit lebih mempengaruhi orang lain dengan cara yang istimewa. Lebih tenat penyakitnya lebih besar pengaruhnya. Saya kadangkala menerima tindak balas yang cukup lucu.

Salah satu tindak balas yang selalu saya terima terutamanya daripada orang yang tidak pernah bertemu dengan saya bertahun-tahun ialah mereka terkejut. Sesetengah antara mereka mempunyai cara yang berbeza untuk menunjukkankannya. Saya mempunyai seorang sahabat baik yang sudah 10 tahun tidak berjumpa. Kami akrab dan mempunyai waktu yang baik bersama sewaktu dulu. Teman ini berbadan besar dan bulat, dia selalu tersenyum dan memiliki keperibadian yang gembira. Pada pertemuan gereja baru-baru ini, kami bertemu buat pertama kalinya semenjak saya menggunakan kerusi roda, tidak dapat bercakap dan terpaksa disuap.

Saya tidak dapat lupa bagaimana dia bertindak ketika melihat keadaan saya. Seluruh tubuhnya menjadi kaku seperti buluh, mulutnya menganga dengan agak besar dan matanya berguling. Saya tidak tahu sama ada saya harus menangis atau ketawa tetapi di antara kami berdua, dia kelihatan seperti orang yang memerlukan perhatian perubatan! Sepanjang petang dia tidak bercakap kepada saya dan tidak memandang saya, dia berpura-pura saya tidak berada di situ. Saya berasa

lucu dan agak terluka kerana saya tahu teman saya sedang menyembuhkan dirinya daripada perasaan terkejut.

Pertama kali, orang yang berusaha bercakap dengan saya selalu bertindak dengan sesuatu yang melucukan. Biasanya, saya meminta kehadiran isteri saya supaya dia boleh menterjemahkan apa yang saya katakan. Pada waktu itu, Dorothy terpaksa mengangkat telefon dan saya ditinggalkan bersama dengan wanita ini. Dalam usaha untuk bersopan santun, dia memulakan satu percakapan dan saya berusaha untuk menjawab. Saya terpaksa melepaskan bunyi dari paru-paru saya. Ini bererti percakapan terpaksa dilepaskan huruf demi huruf, agak kekok dan tidak kedengaran. Tindakan menghirup angin menyebabkan kepala saya naik dan setelah melepaskan bunyi, tubuh saya rebah, kepala saya tersungkur. Gerakan saya ke atas dan ke bawah sangat mengganggu pendengar apalagi setiap huruf terpaksa dilafazkan dengan bernafas terlebih dahulu untuk menyuarkan vokal saya.

Tentu saja, wanita ini tidak dapat memahami apa yang saya katakan. Tetapi oleh sebab dia begitu manis, dia berusaha mendekati saya serta berusaha memahami saya. Ini menyebabkan saya lebih nekad dan terpaksa bersuit-suit dengan lebih kencang dan bergerak lebih tinggi. Kami hanya mengangkat dan menunduk kepala seiringan dalam suatu kesatuan, bunyi berputus-putus yang ditekan serta diselengi dengan irama bersuit-suit. Kami kelihatan seperti sepasang burung yang sedang mengumandang lagu, “Baby Elephant Walk.”

Orang biasa berfikir oleh sebab saya tidak boleh berjalan dan bercakap, saya juga tidak dapat mendengar. Tidak lama kemudian mereka akan menanyakan saya sama ada saya dapat mendengar atau tidak. Seorang wanita malah

mengulangi perkataan dari televisyen, mereka yakin saya tidak dapat mendengar. Orang lain dengan tidak sadar berbisik-bisik apabila mereka bercakap dengan saya, mereka begitu tertarik dengan bisikan saya.

Dalam hal menolong saya bergerak, keluarga saya telah menjalani tugas biasa yang lebih pekerja-pekerja kebajikan. Dengan Dorothy sebagai pemimpin, mereka akan menghitung sewaktu menolong saya, “Hup, satu, dua, tiga, empat...” apabila mereka menolong mengangkat saya bangun dari kerusi roda. Sedang pada suatu hari Ahad, mereka begitu asyik menolong saya di gereja dengan berjerit-jerit, “Hup, satu, dua, tiga, empat...” Mereka tidak sedar bahawa riuh-rendah telah mengganggu ibadah yang kedua sehingga seorang pendeta memandang kami dengan tidak senang. Bagi sesiapa yang berminat dengan persembahan ini, aksi ini diadakan setiap hari Ahad sekali sebelum dan sesudah kebaktian pukul lapan.

Bukankah Alkitab menuntut kita untuk memperlakukan orang yang cacat dengan penuh kasih? *“Bukalah mulutmu bagi orang yang bisu, untuk hak semua orang yang sengsara. Bukalah mulutmu, hakimilah dengan saksama, dan belalah hak orang yang tertindas dan yang miskin.”* (Amsal 31:8-9) Jangan kita menjadi batu sandungan kepada mereka yang kecacatan, *“Janganlah kaukutuki orang tuli dan di hadapan orang buta, janganlah kautaruh batu sandungan, tetapi engkau harus takut akan Allahmu; Akulah Tuhan”* (Imamat 19:14).

Perjalanan Yang Menakutkan

Pada suatu pagi, saya mengalami kehadiran Tuhan yang nyata dan yang melepaskan saya daripada peristiwa yang ngeri. Saya selalu berbaring dan tidur hanya pada sebelah badan saya. Saya tidak dapat baring mendatar kerana tidak dapat menarik nafas ke dalam kerana dada saya agak berat. Jadi setiap malam apabila saya tidak sengaja berbaring mendatar saya terpaksa membangunkan isteri saya, Dorothy, untuk menggerakkan badan saya.

Kadang-kadang selepas jam 6 pagi, masih lagi gelap, saya terbangun kerana kesulitan bernafas kerana terbaring mendatar lalu saya cuba memanggil isteri saya tetapi tidak berguna kerana dia sudah keluar berjalan membuat senaman pagi tanpa saya sedari kerana inilah kebiasaannya supaya tidak mengganggu saya waktu tidur. Saya ditinggalkan bersendirian langsung tidak dapat menggerakkan diri, saya cuba menjerit meminta tolong namun suara saya tidak kedengaran lagi pun pintu bilik kami ditutup oleh isteri saya sewaktu dia keluar. Dengan kecewa saya cuba lagi menjerit namun semuanya hampa belaka, anak-anak kami sedang tidur dan orang gaji kami sedang sibuk di tempat lain.

Saya berkeringat dan hati saya berdebar-debar sewaktu saya berusaha bernafas. Suhu tubuh saya semakin meningkat dan saya sedang mengalami kesesakan nafas. Saya sedar saya tidak boleh berterusan begini. Saya mengambil keputusan untuk mencari Tuhan untuk meminta pertolongan. Saya mulai

mengutip daripada Mazmur kesukaan saya Mazmur 103.

Pujilah Tuhan, hai jiwaku,

Pujilah nama-Nya, yang kudus, hai segenap

batinku!”

Saya mengulangi beberapa kali kemudian mulai menyanyi, “Pujilah Tuhan, hai jiwaku, dan janganlah lupa akan semua kebaikan-Nya. Dia mengampuni segala kesalahannya, yang menyembuhkan segala penyakitmu,”

Saya mulai mengucapkan terima kasih kepada-Nya kerana telah mengampuni semua dosa saya dan juga berkat-Nya. Saya memaksa diri saya untuk mengingat berkat yang lebih baharu, satu demi satu. Ini mempunyai kesan yang menghiburkan, walau saya sedang menarik nafas, saya perhatikan bahawa denyutan jantung saya perlahan.

Di sini iman saya melonjak kerana saya percaya Tuhan menyertai saya dan akan membebaskan saya. Saya mengutip lagi daripada Mazmur 116, “*Aku mengasihi Tuhan, sebab Dia mendengarkan suaraku dan permohonanku.*” Ayat yang banyak menghibur ini telah saya ulangi lagi. Kini denyutan jantung hampir seperti biasa, “*Sebab Dia menyendengkan telinga-Nya kepadaku, maka seumur hidupku aku akan berseru kepada-Nya.*”

Saya mendapati diri saya sedang berkata-kata. Saya masih berasa panas dan berkeringatan, “*Tuhan adalah pengasih dan adil, Allah kita Penyayang.*”

Suhu badan saya mulai reda ke keadaan yang biasa sehingga Dorothy kembali pada pukul 7.30 am untuk

membangun saya tanpa mengetahui apa yang terjadi.

Walaupun kita tidak melihatnya, dunia rohani itu sungguh seperti dunia jasmani. Saya teringat peristiwa yang terjadi dalam 2 Raja-Raja 6, di mana Elisa berdoa agar mata hambanya terbuka kepada kuasa rohani Tuhan yang jauh lebih besar daripada kuasa raja Aram di kota sekelilingnya. “Hanya iman,” kata Tuhan Yesus, *“semua perkara dapat dilakukan oleh mereka yang percaya.”* Tuhan mampu bertindak dalam situasi apa pun jika kita membiarkan Dia, kita hanya melakukannya dengan satu cara; percaya tanpa ragu-ragu. Saya mendapati menghafaz Alkitab ialah satu cara untuk menggunakan iman anda supaya mendatangkan rahmat Tuhan seperti yang saya lakukan pada pagi itu.

Hari lepas hari, Tuhan sedang mengajar saya untuk semakin mempercayai-Nya. Peristiwa itu telah menolong saya menaiki anak tangga iman.



“Kerana begitu besar kasih Allah akan dunia ini, sehingga Dia mengurniakan Anak-Nya yang tunggal, supaya setiap orang yang percaya kepada-Nya tidak binasa, melainkan beroleh hidup yang kekal.” (Yohanes 3:16)

Keputusan Yang Beriman

Di daerah Sidon tinggal seorang wanita miskin dari Zarepath. Sejak kematian suaminya, dia menghadapi waktu yang sulit untuk membesarkan anaknya dan kemarau di daerah itu semakin buruk. Suatu hari sewaktu dia sedang mengumpulkan kayu bakar di luar gerbang kota, dia didekati oleh seorang asing, Elia, yang meminta dia membawa air dan membakar sekeping roti.

Permintaannya seperti kurang sopan. Dengan tanpa wanita itu memberitahu bahawa dia hanya mempunyai sedikit tepung dan minyak untuk makanan terakhir bagi dirinya sendiri dan anaknya. Tetapi Elia berkata bahawa Tuhan akan memastikan bahawa tepung dan minyak itu tidak akan kehabisan hanya jika dia rela memasak roti untuk dia terlebih dahulu.

Dapatkah dia mempercayainya sebagai orang yang diutus daripada Tuhan seperti yang diakuinya atau adakah dia hanya pengemis yang biasa?

Dalam kehidupan ini, kita kadangkala diperhadapkan dengan keputusan seperti ini: haruskah kita mengikut situasi sekarang yang nyata, mengerti hasilnya yang tidak baik; atau menyerahkan diri kepada sesuatu yang tidak kelihatan dengan beriman, sesuatu yang menjanjikan pengharapan dan pelepasan. Janda itu sudah kehabisan akal, haruskah dia makan hidangan yang terakhir dan menunggu maut. Orang ini

memberi pengharapan, yang seakan-akan terlalu baik untuk dipercayai bahawa mereka tidak akan lapar lagi.

Janda itu membuat pilihannya dan membakar sekeping roti untuk orang asing ini tanpa menghirau hidangan makanannya sendiri. Siapa dapat duga, orang asing ini ialah nabi Elia dan segala sesuatu berjalan dengan lancar. Tepung dan minyak yang menjadi bekalan keperluan mereka tidak pernah kering seperti yang dinubuatkan. Akhirnya, kita baca dalam Alkitab, anak janda itu mati dan Elia membangkitkan dia. Ini membuktikan kepada dia bahawa rahmat Tuhan yang tidak pernah berkesudahan. Janda itu telah membuat keputusan beriman yakni menyerahkan yang berharga padanya sebelum menerima sesuatu yang jauh melampaui apa yang dimintanya atau difikirkannya.

Sewaktu saya baru sakit, apabila doktor lepas doktor memberitahu bahawa saya tidak mempunyai harapan dan perubatan tidak akan berguna, saya begitu kecewa. Fikiran saya dipenuhi dengan ketakutan, kemarahan dan tiada harapan lagi. Saya begitu tenggelam dalam perasaan mengasihani diri dan begitu negatif terhadap keadaan tubuh saya, menyelam dalamnya dan bertambah tenat.

Tetapi apabila saya membaca dan menelaah Alkitab, Tuhan seakan-akan memberitahu saya bahawa masih ada harapan kerana Dia mengasihi saya dan masih menguasai. Dia memberi saya rahmat penyembuhan-Nya dan damai-Nya tetapi Dia meminta sesuatu daripada saya terlebih dahulu. Dia ingin saya menyerahkan penyakitku kepada-Nya, semua ketakutan saya dan tekanan. Saya pun mempercayai-Nya. Saya seperti janda yang memberi sekeping roti yang terakhir, saya mengambil keputusan untuk beriman dan menyerahkan penyakit saya kepada Tuhan.

Saya tidak lagi mengejar pakar perubatan di seluruh dunia demi perubatan yang paling canggih atau terikat dengan akupunktur, perubatan saraf atau rawatan herba. Saya sekarang hanya percaya kepada Tuhan untuk menangani masalah saya. Keadaan saya bertambah semakin stabil tetapi yang lebih penting, saya tidak lagi takut dalam hati saya tetapi saya diberkati dengan damai yang melampaui akal saya.

Sekarang saya menikmati keseronokan pergi ke pantai atau taman mainan, atau berasa pelbagai makanan lazat di tempat makanan umum, sebelumnya saya benci dilihat dalam kerusi roda saya atau disuap di tempat umum. Bahkan saya berani ke tempat renang umum untuk berenang setiap minggu. Saya mampu menjalani kehidupan biasa dengan rahmat Tuhan, setelah mengambil satu keputusan untuk beriman sekalipun belum disembuh dalam tubuh jasmani saya.




Kehidupan

*Tatkala kekelaman malam mencengkamku,
Bayangan gelap memanjang,
Impian hangus bagi asap.
Kemarahan dan keraguan bergelora,
Senyuman kaku mengukir pada wajah yang tak sabar,
Kata-kata hiburan menjadi teguran,
Bagai gurauan yang berlalu.*

*Permintaan pertolongan dianggap
sebagai gangguan terhadap jadual padat,
Tatkala menolong saya punca pergaduhan.
Remuklah aku oleh kepedihan ini,
Mengapakah kata-kata pedih datang daripada yang dekat?
Tatkala kejayaan diukur dengan dingin,
Lambang status dianggap berlebih-lebihan,
Tatkala kegembiraan disamakan kebebasan,
Dalam fantasi seseorang.*

*Tatkala waktu mengasihi digantikan,
Dengan rancangan yang bernafsu.
Harapan impian muda kini,
Segera terkikis dan tidak sesuai lagi.
Ingatan kasih mesra,
Kini tiada guna dan jauh,
Tatkala kekelaman semakin pekat
Kuseru kepada Tuhan
Dari syurga, Dia mendengar suaraku
Dan menyatakan kasih dan rahsia-Nya
Tatkala semua menjadi gelap
Kecerahan fajar membungkus jiwaku,
Tatkala Tuhan menjamah aku.*

A dramatic sunset over a deep canyon. The sky is filled with vibrant orange and red clouds, with the sun low on the horizon on the left, casting a bright glow. Below, a winding river flows through the bottom of a vast, layered canyon. The canyon walls are steep and rocky, with some sparse vegetation on the left and right edges. The overall scene is majestic and serene.

Sewaktu meraih puncak kejayaan kerjayanya, Encik David Ng dijangkiti penyakit tenat, “Amyotrophic Lateral Sclerosis” iaitu Penyakit Saraf Motor.

Dia bertekad menceritakan pengalaman penderitanya dan rahmat Tuhan Allah yang menyertainya. Walaupun tangannya tiada berdaya, segalanya dimungkinkan dengan pemasangan sebatang tiub di kepala yang menolongnya mencurahkan pandangan dan perasaannya.